

社121  
673  
部大:81



羅

文獻通考卷第一百六



鄱陽馬端臨貴與著

王禮考一

朝儀

周制天子有四朝

恒言三朝者以詢事之一曰外朝在

門內決罪聽訟之朝也

秋官朝士掌之左九棘孤卿大夫位焉羣

士在其後右九棘公卿伯子男位焉羣吏在其後面三

槐三公位焉州長衆庶在其後左嘉石平罷人焉右勝

石達窮人焉

斯聽獄之時所列位也樹棘以為位者取其赤心而外刺象以赤心三刺也槐之言

懷來人於此欲與之謀也嘉石丈石也平成也成人之善也勝石赤石也罷人不昏作勞有似於疲謂惰慢人

窮人天民之窮無告者羣吏州長鄉遂之官也王之五門雉門為中門雉門設兩觀與宮門同闈人譏出入者窮人蓋不得入罷音疲 二曰中朝在路門外夏官司士正其位辨其貴賤之等朝夕視政公卿大夫辨色而入應門北面而立東上王揖孤卿以上特揖大夫旅揖士傍三揖各就位特揖一揖之也旅衆也大夫爵同者衆揖之公卿大夫三揖就位羣士及故士太僕之屬登在其位羣位東面王西面而揖之王南向三公北面東上孤東面北上三揖者有上中下 王南向三公北面東上孤東面北上卿大夫西面北上王族故士武士在路門之右南面東上太僕太右太僕從者在路門之左南面西上此王視於路門之位王族故士為士免退留宿衛者未嘗為士雖同族不得在王宮太右司右也太僕從者小臣祭僕御僕隸 三曰內朝亦謂路寢之朝人君既從正朝視事僕也

畢退適路寢聽政使視大夫大夫退然後適燕寢釋服

釋服也四曰詢事之朝在雉門外小司寇掌其政以致萬人

而詢焉一曰詢國危二曰詢國遷三曰詢立君國危謂兵寇國

遷謂徙都立君謂君無冢嫡選於庶子則聚萬人而詢謀焉其位王南向三公及州

長百姓北面羣臣西面羣吏東面羣臣卿大夫士也羣吏府史其孤不見者

孤從羣臣卿大夫在公後小司寇儻以序進而問焉以衆輔志而蔽

謀儻謀揖之使前序更也輔志尊王賢明也蔽斷也

通典說曰天子路寢門有五焉其最外曰臯門二

曰庫門三曰雉門四曰應門五曰路門路門之內

則路寢也臯門之內曰外朝朝有三槐左右九棘

近庫門有三府九寺庫門之內有宗廟社稷雉門之外有兩觀連門觀外有詢事之朝在宗廟社稷之間雉門內有百官宿衛之廨應門內曰中朝中朝東有九卿之室則九卿理事之處考工記曰有九室九卿理之朝則入而理事夕則歸於庫門外外朝之法朝有疑獄王集而聽之故禮云王命三公會其朝者諸侯未去亦於此也廣問之義詢於蒞蕘之謀三刺三問以定其法燕朝者路寢之朝羣公以下常日於此朝見君位其位太僕掌之初入之時亦門右北面東上王揖之三公則皆前北

面東上孤東面卿大夫西面皆北上士則門外之西北面東上凡射先用燕禮其位亦然所以每朝列位所向不同者皆以事異故變其位三公之位常北面不變者以三公內臣位尊故屈之使常北面其餘諸侯孤卿大夫皆以地道尊君故尊者東面卑者西面是以於外朝之時諸侯東面尊於孤卿也故於內朝孤卿東面尊於卿大夫也時亦無諸侯故也唯詢事之朝非常朝之限故不與三朝同或云客有諸侯之位故孤卿在東也

陳氏禮書曰周官太僕掌燕朝之服位宰夫掌治

朝之法司士掌朝儀之位朝士掌外朝之法文王世子公族朝於內朝庶子掌之其在外朝司士掌之玉藻朝服以日視朝於內朝退適路寢聽政然則文王世子與玉藻所謂朝者諸侯之朝也蓋天子庫門之外外朝也朝士掌之路門之外治朝也宰夫司士掌之路寢燕朝太僕掌之諸侯亦有路寢有外朝則文王世子所謂內朝者玉藻所謂路寢也玉藻所謂內朝者文王世子所謂外朝也玉藻於路寢之外言內朝則又有外朝明矣諸侯內朝司士掌之其官與天子同燕朝庶子掌之其官

與天子異魯語曰天子及諸侯合民事於外朝合神事於內朝自卿以下合官職於外朝合家事於內朝然則卿大夫亦二朝也王燕朝之位雖太僕掌之然其位之所辨不可考文王世子曰公侯朝於內朝東面北上臣有貴者以齒則王之燕朝宜亦然也太僕建路鼓於大寢之門外傳稱堯設敢箴規之鞞乃周而掌其政以待達窮者與遽令鄭氏曰路寢門外則內朝之中蓋窮者達其情於外朝之肺石朝士又達窮者之情於內朝之路鼓遽令傳遽之令也行夫掌邦國傳遽之小事則遽令

非行夫之所掌者而已鄭康成以公食大夫拜賜於朝不言賓入聘禮以柩造朝不言喪入則謂諸侯之朝在大朝外然大門外則徑涂爾非朝位也又曰玉藻曰朝辨色始入君日出而視之退適路寢聽政使人視大夫大夫退然後適小寢釋服則朝辨色始入所以防微日出而視之所以優尊詩曰夜嚮晨言觀其旂臣辨色始入之時也又曰東方明矣朝既盈矣君日出而視之之時也蓋尊者體盤卑者體蹙體蹙者常先體盤者常後故視學衆至然後天子至燕禮設賓筵然後設公席則朝

禮臣入然後君視之皆優尊之道也然朝以先爲勤以後爲逸退以先爲逸以後爲勤朝而臣先於君所以明分守退而君後於臣所以防怠荒此所以使人視大夫大夫退然後適小寢釋服也然則公卿諸侯之朝王其有先後乎詩云三事大夫莫肯夙夜邦君諸侯莫肯朝夕夫夙先於朝夜後於夕則公卿朝常先至夕常後退諸侯朝常後至夕常先退

### 右周家朝羣臣之儀

周制大行人掌大賓之禮及大客之儀以親諸侯

大賓要服

以內諸侯也大春朝諸侯而圖天下之事秋覲以比邦

國之功夏宗以陳天下之謨冬遇以協諸侯之慮此以王見

諸侯為文也圖比天子當辰而立諸侯北面而見天子

曰覲天子當宁而立諸公東面諸侯西面曰朝爾雅曰

間謂之辰門屏邦畿方千里其外五百里曰侯服歲一

見又其外五百里曰甸服二歲一見又其外五百里曰

男服三歲一見又其外五百里曰采服四歲一見又其

外五百里曰衛服五歲一見又其外五百里曰要服六

歲一見要服蠻服也此六服相距方七十里公侯伯子

或朝春或宗夏或覲秋或遇冬九州之外謂之蕃國代

一見各以其所貴寶為贄九州之外夷服鎮服蕃服按

南蠻雖大曰子父死子立及嗣王即位乃一來各到

子之境先謁關人關人報王王使小行人逆勞於畿又

使大夫致積及郊使大行人服皮弁用璧以勞授之皮

者天子之朝服璧無束帛者天子至尊也及國天子賜

舍使司空致舍將受朝上公執桓圭九寸纁藉九寸袞

冕九章其春夏朝宗各乘所受上輅建常九旒繁纓九

就若春諸侯各服神冕釋幣於禰各乘所受上侯執信

圭伯執躬圭七寸纁藉七寸鷩冕七章建常七旒繁纓

七就子執穀璧男執蒲璧皆五寸纁藉五寸毳冕五章

建常五旂繁纓五就王則服皮弁登於路門外正朝當  
宁而立諸侯改服於舍服朝服各執瑞玉至於朝公東  
面諸侯西面伯子男從侯而朝末擯承命告於天子曰

伯父實來予一人嘉之伯父其入予將受之天子於同姓大國則

曰伯父小邦則曰叔父異姓大國則曰伯舅小邦則曰叔舅嘉之者美之也受玉先書同姓次及異姓上僨又

傳下至嗇夫諸侯序進入門右坐奠珪再拜稽首而右

也信音身執臣道不敢由賓客之位 僨者謁謁猶告也上僨告以天子前辭欲親受之

卑者見尊莫贊而不授 侯氏坐取珪升致命王受之王侯氏降

如賓客也其詞曰伯父其升 階東北面再拜稽首僨者延之曰升升成拜乃出各還

其舍司几筵設黼辰於朝辰前南嚮設莞席紛純加纁

席畫純加次席黼純左右玉几黼謂之斧其繡白黑綵也

屏風繡以斧形辰前設席左右有几優至尊也鄭元謂

紛如綬有文而狹者纁席則蒲蒻展之編以五采若今

合歡矣畫純畫為雲氣也 天子服袞冕負黼辰而立諸

侯裨冕一一而入以行三享奉束帛加璧庭實唯國所

有隨國所有或馬或虎豹皮龜金 奉束帛匹馬卓上九

馬隨之中庭西上奠幣再拜卓猶的也以素的一馬為

產也必十匹者不敢斥 其秋冬覲遇之時將朝之早諸

王所乘用成數敬也 侯裨冕釋幣於禰將近質明時告將覲也裨之為言婢

事尊卑諸侯亦服焉其釋幣如 聘大夫將受命釋幣於禰之禮皆乘墨車載龍旂弧韞

乾隆十二年校刊

禮記卷之六 王禮一



諸侯相揖而入至廟門外之舍王服袞冕負斧戣而受朝享之禮諸侯入門右皆奠玉再拜王命將受之諸侯更取玉升堂致命王親受之諸侯降堂又再拜稽首僎者延之曰升升成拜乃出然後行三享玉王皆撫之諸侯降堂自授宰如朝宗之法覲遇之時天子不下堂云天子覲諸侯下其朝宗覲遇行朝享禮畢三享諸侯堂自夷王始也皆右肉袒於廟門之東乃入門右北面立告聽事刑宜施於右也凡以禮事者右袒告聽事者告王以國所用為罪之事僎者謁諸天子天子辭於侯氏曰伯父無事歸寧乃邦也謁告侯氏再拜稽首出自屏南適門西改袒還襲遂入門右北面立王乃

勞之再拜稽首僎者延之曰升升成拜降出王辭之不即入者當

出隱於屏而襲也天子外屏勞之勞其道路勞苦也王遂更延諸侯入而禮之王

使宗伯以珪瓚酌鬱鬯裸之禮畢還館諸侯公卿皆就

館見之若有功者天子賜以車服皆使公就館致之諸

侯迎於外門外再拜諸公奉篋服加命書於其上升自

西階東面太史居右言諸公者王同時分命之而使賜侯氏侯氏升西面

立太史述命讀王命書侯氏降兩階之間北面再拜稽首受命

也升成拜之降也太史加書於服上侯氏受受篋服也使者

出侯氏送再拜時會以發四方之禁殷同以施天下之

政其法諸侯既至天子之國必先朝天子於其國內然

後為壇於國外更行朝禮時會無常期諸侯有不順服者王將征討合諸侯而發禁

令焉禁謂九伐之法也會之法為壇於國外崔靈恩曰古者諸侯朝天子四時禮外有時會殷同殷同者十二

年王不巡狩則六服諸侯各當方面來赴四時見王也殷衆也四方諸侯來見王此有十二年之期故不得

謂時會也殷同之禮東方則以春南方則以春為壇於夏西方則以秋北方則以冬皆如巡狩之時

國東夏與秋冬各於其方壇制度已具將時會殷同之

朝天子乘龍馬八尺載大旂象日月升龍降龍春則拜

日於東門之外夏則禮日於南門之外變拜言禮者祭祀也秋則

禮月與山川邱陵於西門外冬則禮月與四瀆於北門

之外禮者謂祭之巡狩之時山川之神各當方而祭今

則祭於加方明於壇上而祭之方明者木也方四尺設

陰方

黑上元下黃四方神明之象所謂方明也設六玉上珪下璧南方璋西方琥

北方璜東方珪以祭之六色象其神六以玉禮之上宜

者則上下之神非天下之至去方明以朝諸侯其朝位

貴也設玉者刻其木以著之

介之儀已

具巡狩篇

明堂位昔者周公朝諸侯於明堂之位周公攝王位以

諸侯不於宗廟辟王也疏按觀禮諸侯受天子負斧

次於廟門外覲在廟今在明堂故云辟王也

依南向而立負背也斧依為斧文屏風三公中階之前

北面東上諸侯之位阼階之東西面北上諸伯之國西

階之西東面北上諸子之國門東北面東上諸男之國

門西北面東上九夷之國東門之外西面北上八蠻之

乾隆十二年校刊

文獻通考卷二百一 王禮一

九

國南門之外北面東上六戎之國西門之外東面北上  
五狄之國北門之外南面東上九采之國應門之外北  
面東上四塞世告至此周公明堂之位也

此朝之禮不於此周公權用之也朝位之上上近主位尊也九采九州之牧典貢職者也正門謂之應門二伯率諸侯而入牧居外糾察之也四塞謂夷服鎮服蕃服在四方為蔽塞者新君即位乃朝周禮蕃國世一見應氏曰自公而下列為四等各以其序近則序立於階遠則序立於門而各分東西焉夷蠻戎狄之君隨方環列於四門之外分列四門則內為五室可知既南門而又有應門者南門謂之應門故止於一而應門則當而相應爾雅正門謂之應門故當而北而東上亦同於中階之三公焉前之三公外之九采內之諸侯外之四夷四面而立雖各塞其方隅而還列相向無一人不得以對揚涉級而上雖各殊其階所而趨進序升無一人不與之拱揖

石林葉氏曰天子三朝外朝以大詢內朝以日視

朝燕朝退而聽政諸侯來朝則見於太廟明堂以  
頒朔而已周公攝政七年成王既冠將復辟而歸  
以天下知周公攝政之久未知成王之尊於是因  
六年五服之朝合九夷八蠻六戎五狄之君而並  
見然猶不敢正太廟之朝是以即明堂而權制其  
位蓋天子無事四時之朝見於廟歲以一服有事  
而會不巡狩而同則為宮於郊設方明而祭之蕃  
服世一見未有與諸侯併朝者也司士所掌朝儀  
之位與朝士所掌外朝之法皆自有定著明堂位  
蓋周公之為故記禮者以為周公朝諸侯之位其

曰負斧扆南向而立是雖仍攝政之稱謂周公曰天子然負扆而立則周成王自不失南面而坐周公但從成王立於其側爾中間言武王崩成王幼弱周公踐天子之位者亦謂成王同坐立於斧扆之間周公曷嘗正天子之位而居之乎禮所記甚明陋儒初不悟雖荀卿猶云周公履天子之籍若固有之學者由是紛紛有異言何周公之不幸也右周家諸侯來朝之儀

漢高祖七年長樂宮成諸侯羣臣朝十月適會長樂宮新成漢時尚以十月為正月儀儀敘下先平明未明之前謁者治禮引以次行朝歲之禮

入殿門廷中陳車騎戍卒衛官設兵張旗志志與傳曰

趨趨傳聲教入者皆令殿下郎中俠陛陞數百人俠與挾兩旁每陛者數百人功臣列侯諸將軍軍吏以次陳西方東鄉文

官丞相以下陳東方西鄉大行設九賓臚句傳上傳告

下告上為句也大行掌賓客之禮今之鴻臚九賓則九卿也謂公侯伯子男孤卿大夫士也於是皇帝輦出房百官執戟傳警傳聲而引諸侯王以下至吏

六百石以次奉賀自諸侯王以下至吏六百石以次奉賀自諸侯王以下莫不振恐肅敬至禮畢盡伏置法酒

法酒猶言禮酌謂不飲之至醉諸侍坐殿上皆伏抑首抑屈也謂依禮法不敢平坐而視以尊卑次起上壽觴九行謁者言罷酒御史執法舉

不如儀者輒引去

初帝既即位去秦儀法為簡易羣臣飲爭功醉或妄呼拔劍擊柱上患之叔孫通曰儒者難與進取可與守成臣願徵魯諸生與臣弟子共起朝儀上曰得無難乎通曰禮者因時世人情為之節文臣願頗采古禮與秦儀雜就之上曰可試為之令易知度吾所能行於是通徵魯諸生三十餘人及上左右為學者謂近臣也為學謂素有學術與其弟子百餘人為綿蕞野外應劭曰立地為茅索營之習禮儀其中也如淳曰謂以茅剪樹地為纂尊卑之次也春秋傳曰置茅蕞師古曰蕞與蕞同並音習之月餘通曰上可試觀上使習禮曰吾

能為此迺令羣臣習肄以十月長樂宮成行之竟朝置酒無敢謹譁失禮者於是上曰吾乃今日知為皇帝尊也拜通為奉常賜金五百斤諸儒弟子共為儀者悉拜為郎

致堂胡氏曰帝王之禮因革損益至周而大備周八百年雖柄移祚迄其朝廷所用者無利害於爭戰從橫之事雖秦火書滅籍亦必有知其略者誠能深知詢求草創而潤色之縱不得其全亦當參互有見使聖帝明王制儀立度文章物采寓法象形禁戒之意後猶有考不亦美哉惜乎漢高智不

及此而叔孫通委已從人諧世而取寵也夫呂政  
所為無一可以垂世立法者自漢興議論之臣禍  
敗之戒有所不言言則必借秦為諭豈有朝廷之  
上君臣之儀所以表正百官觀示列辟者乃獨可  
用乎遂使周室禮文泯不復見而秦禮得傳通之  
罪大矣魯二生未必能制此禮也然惡通面諛而  
不肯從亦賢矣哉至謂禮樂必積德百年而後可  
興則幾乎迂矣

武帝雖用夏正然每月朔朝至於十月朔猶嘗享會其  
儀夜漏未盡七刻而鐘鳴受賀及贄公侯璧二千石羔

千石六百石鴈四百石以下百官賀正月決疑要注云古者朝會皆

執贄侯伯執珪子男執璧孤執皮帛卿執羔大夫執鴈士執雉漢魏粗依其制正朝大會諸侯執玉璧薦以鹿皮公卿以下所執如古禮古者衣皮皆用皮帛為幣玉以象德璧以稱事二千石以上上殿

稱萬歲獨斷曰三公奉璧上殿向御座北面太常贊曰皇帝為興三公伏皇帝坐乃進璧古語曰御座則起此舉觴御食前司空奉羹大司農奉飯奏食舉之

樂百官受賜宴享大作樂白虎通曰有喪不朝吉凶不服失容並廢朝日食后之喪雨霑

褚先生曰諸侯王朝見天子漢法當四見始到入小

見到正月朔旦奉皮薦璧玉賀正月法見後三日為

王置酒賜金錢財物後二日復入小見辭去凡留長

安不過二十日小見者燕見於禁門內飲於省中非士人之所得入也梁孝王西朝因留且半載入與人主同輦出與同車示風以大言而實不與令出怨言謀叛逆乃隨而憂之不亦遠乎非大賢人不知退讓今漢之儀法朝見賀正月者常一王與四侯俱朝見十餘歲一至今梁王常比年入朝見久留鄙語曰驕子不孝非惡言也

右褚先生爲郎時聞於宮殿中老郎吏好事者之語然足以見漢諸侯朝見之典云

後漢歲首正月爲大朝受賀其儀夜漏未盡七刻鐘鳴

受賀及贄

獻帝起居注舊典市長執鴈建安八年始令執雉

百官二千石以上

上殿稱萬歲舉觴御食前司空奉羹大司農奉飯百官受賜宴享大作樂其每朝唯十月旦從故事者高祖定秦之月元年歲首也

蔡邕曰羣臣朝見之儀視不晚朝十月朔之故以問胡廣廣曰舊儀公卿以下每月常朝先帝以其頻故省唯六月十日朔朝後復以六月朔盛暑省之

蔡質漢儀曰正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陛觀庭燎宗室諸劉雜會萬人以上立西面位公納

薦大官賜食酒西入東出既定上壽計吏中庭北面  
立太官上食賜羣臣酒食貢事御史四人執法殿下  
虎賁羽林弧弓撮矢陛戟左右戎頭偃脛陪前向後  
左右中郎將住東西羽林虎賁將住東北五官將住  
中央悉坐就賜作九賓徹樂舍利從西方來戲於庭  
極乃畢入殿前激水化爲比目魚跳躍嗽水作霧鄣  
日畢化成黃龍長八丈出水遨戲於庭炫燿日光以  
兩大絲繩繫兩柱中頭間相去數丈兩倡女對舞行  
於繩上對面道逢切肩不傾又蹋踡藏形於斗中鐘  
磬並作樂畢作魚龍曼延小黃門吹三通謁者引公

卿羣臣以次拜微行出罷卑官在前尊官在後德陽  
殿周旋容萬人陛高一丈皆文石作壇激沼水於殿  
下畫屋朱梁玉階金柱刻鏤作宮掖之好厠以青翡  
翠一柱三帶縹以赤緹天子正旦節會朝百僚於此  
自到偃師去宮四十三里望朱雀五闕德陽其上鬱  
律與天連雒陽宮閣簿云德陽宮殿南北行七丈東  
西行三十七丈四尺

班固東都賦春王三朝會同漢京是日也天子受四  
海之圖籍膺萬國之貢珍內撫諸夏外接百蠻乃盛  
禮樂供帳置乎雲龍之庭陳百僚而贊羣后究皇儀



而展帝容

端門東有崇賢門次外有雲龍門贊引也

於是庭實千品旨酒

萬鍾列金罍班玉觴嘉珍御太牢享爾乃食舉雍徹

太師奏樂陳金石布絲竹鐘鼓鏗鎗管絃擘煜抗五

聲極六律歌九功舞八佾韶武備太古畢四夷間奏

德廣所及伶侏兜離罔不具集

四夷之樂東方曰韞南方曰任西方曰侏

離北方曰禁禁字書作伶渠禁反侏摩葛反

萬樂備百禮暨皇權浹羣臣

醉降烟煜調元氣然後撞鐘告罷百僚遂退

尚書傳曰天子

將入撞蕤賓之鐘左右之鐘皆應

蔡邕獨斷正月朝賀三公奉璧上殿向御座北面太

常贊曰皇帝為君興三公伏皇帝坐乃進璧古語曰

御坐則起此之謂也舊儀三公以後月朝後省當以

六月朔十月朔旦朝後又以盛暑省六月朝故今獨

以為正月十月朔朝也冬至陽氣始起麋鹿解角故

寢兵鼓身欲寧志欲寧不聽事可送迎五日臘者歲

終大祭縱吏民宴飲非迎氣故但送不迎正月歲首

亦如臘儀冬至陽氣起君道長故賀夏至陰氣起君

道衰故不賀鼓以動眾鐘以止眾夜漏盡鼓鳴則息

安帝永初元年春正月元日會徹樂不陳充庭車

每大朝會必陳乘輿法物車輦於庭故曰充庭車以

年饑故不陳

魏武帝都鄴正會文昌殿用漢儀又設百華香花燈  
文帝受禪後修洛陽宮室權都許昌宮殿狹小元日於  
城南立壇殿青帷以爲門設樂享會後還洛陽依漢舊  
事

魏制藩王不得朝覲明帝時有朝者由特恩不得爲常  
晉武帝咸寧中定儀先正月一日有司各宿設王公卿  
校便坐於端門外大樂鼓吹又宿設四廂樂於殿前夜  
漏未盡十刻羣臣集庭燎起上賀謁報又賀皇后從雲  
龍中華門入謁詣東閣下便坐漏未盡七刻羣司乘輿  
車百官及受贊郎下至計吏皆入詣階部立其次其階

衛者如臨軒儀漏未盡五刻謁者僕射大鴻臚各奏羣  
臣就位定漏盡侍中奏外辦皇帝出鐘鼓作百官皆拜  
伏太常導皇帝升御座鐘鼓止百官起大鴻臚跪奏請  
朝賀掌禮郎贊皇帝延王登大鴻臚跪贊蕃王臣某等  
奉白璧各一再拜賀太常報王悉登謁者引上殿當御  
座皇帝興王再拜皇帝坐復再拜成禮訖謁者引下殿  
還故位掌禮郎贊皇帝延太尉等理禮等引公特進甸  
奴南單于金紫將軍當大鴻臚西中二千石千石六百  
石當大行令西階北面伏鴻臚跪贊太尉中二千石等  
奉璧皮帛羔鴈雉再拜賀太常贊皇帝延公等登掌禮

引公至金紫將軍上殿當御座皇帝興皆再拜皇帝坐  
又再拜跪置璧皮帛御座前復再拜成禮訖謁者引下  
殿還故位王公置璧成禮時大行令並贊殿下二千石  
以下同成禮訖以贊授贊郎郎以璧帛付謁者羔鴈雉  
付太常太樂令跪奏雅樂以次作乘黃令乃出車皇帝  
罷入百官皆坐晝漏水六刻諸蠻夷朝客以次入皆再  
拜訖坐御入後三刻又出鐘鼓作謁者僕射跪奏請羣  
臣上謁者引王公二千石上殿千石六百石停本位謁  
者引王詣罇酌壽酒跪授侍中侍中跪置御座前王還  
自酌置位前謁者跪奏蕃王臣某等奉觴再拜上千萬

歲壽侍中云觴已上百官伏稱萬歲四廂樂作百官再  
拜已飲入再拜謁者引王等還本位陛下者傳就席羣  
臣皆跪諾侍中中書令尚書令各於殿上上壽酒登歌  
樂升太官令又行御酒御酒升階太官令跪授侍郎侍  
郎跪進御座前乃行百官酒太樂令跪奏登歌三終乃  
降太官令跪請具御飯到階羣臣皆起太官令持羹跪  
授司徒持飯跪授大司農尚書持案並授持節持節跪  
進御座前羣臣就席太樂令跪奏食舉樂太官行百官  
飯按遍食畢太樂令跪奏請進舞樂以次作鼓吹令又  
前跪奏請以次進妓乃召諸郡計吏前受敕戒於階下

宴樂畢謁者一人跪奏請罷退鐘鼓作羣臣北面再拜  
出未盡七刻謂之晨賀晝漏上三刻更出百官奉壽酒  
謂之晝會別置女樂三十人於黃帳外奏房中之歌  
其王公以下入朝者四方各  
為二番三歲而周周則復之

晉禮樂志武帝受命更定元會儀咸寧注是也傅  
元元會賦曰考夏后之遺訓綜殷周之典藝採秦  
漢之舊儀定元正之嘉會此則兼採衆代可知矣  
太始中有司奏諸侯之國其王公以下入朝者四方各  
為二番三歲而周周則更始臨時有故則明年來朝明  
年朝後更滿三歲乃朝不得依恒數朝禮皆執璧如舊  
朝之制不朝之歲各遣卿奏聘詔可

東晉江左多虞不復晨賀夜漏未盡十刻開宣陽門至  
平明始開殿門晝漏上水五刻皇帝乃出受賀皇太子  
出會者則在三恪下王公上正朝元會設白獸樽於殿  
庭若有能獻直言者則發此樽飲酒樽蓋施以白獸形  
樽乃杜舉之遺式白獸蓋  
似名焉按禮白獸  
示後世所為有忌憚也  
東晉王侯不之國其有受任居外則同方伯刺史二千  
石之禮亦無朝聘之制

宋因晉制無所改易唯朝至十刻乃受朝賀升皇太子  
在三恪之上

齊因之

乾隆十二年校刊

文獻通考卷一百六 王禮一

七

梁元會之禮未明庭燎設文物充庭臺門闕禁衛皆嚴  
有司各從其事太階東置白獸樽羣臣及諸蕃客並集  
各從其班而拜侍中奏中嚴侍中扶左常侍扶右黃門  
侍郎一人執曲直華蓋從至階降輿納舄升御座前施  
奉珪藉王公以下至阼階脫舄劍升殿席南奉贄珪璧  
禮畢下殿納舄佩劍詣本位主客郎徙珪璧於東廂帝  
興入徙御座於西壁下東向設皇太子王公以下位又  
奏中嚴皇帝服通天冠升御座王公上壽禮畢食食畢  
樂伎奏太官進御酒主書付黃甘逮二品以上尚書駟  
騎引計吏郡國各一人皆跪受詔侍中讀五條詔計吏

更應諾訖令陳便宜者聽詣白獸樽以次還座宴樂罷  
皇帝乘輿以入皇太子朝則遠遊冠乘金輅鹵簿以行  
與會則劍履升座會訖先興天監六年詔曰頃代以來  
元日朝畢次會羣臣則移就西壁下東向坐求之古義  
王者讌萬國唯應南面何更居東面於御座南向以西  
方爲上皇太子以下在北壁坐者悉西邊東向尚書令  
以下在南方坐者悉東邊西向舊元日御座東向酒壺  
在東壁下御座旣南向乃詔壺於南欄下又詔元日受  
五等贄珪璧並量所付周捨按周禮冢宰人朝覲贄玉  
幣尚書古之冢宰頃王者不親撫玉則不復須冢宰贄

助尋尚書主客曹郎既冢宰隸職今元日五等奠玉既竟請以主客郎受鄭元注覲禮云既受之後出付玉人於外漢時少府職掌珪璧請主客受玉付少府掌帝從之又尚書僕射沈約議正會儀注御出乘輿至太極殿前納舄升階尋路寢之設本是人君居處不容自敬宮室按漢氏則以小車升殿請自今元正及大公事御宜乘小輿至太極階仍乘板輿升殿制可

陳制先元會十日百官並習儀注令僕以下悉公服監之設庭燎街闕城上殿前皆嚴兵百官各設部伍而朝宮人皆於東廊隔綺疎而觀宮門既無藉外人但絳衣

者亦得入觀是日上事人發白獸樽自餘多依梁禮云北齊元正大享百官一品以下流外九品以上與會一品以下正三品以上開國公侯伯散品公侯及特命之官刺史並升殿從三品以下從九品以上及奉正使人比流外官者在階下勲品以下端門外侍中宣詔慰勞

郡國使

詔牘長一尺三寸廣一尺雌黃塗飾上寫詔書三計會日侍中依儀勞郡國計吏問刺史太守

安不及穀價麥苗善惡人間疾苦

又班五條詔書於諸州郡國使人以寫

詔牘一枚長二尺五寸廣一尺三寸亦以雌黃塗飾上

寫詔書正會日依儀宣示使人歸以告刺史二千石一

日政在正身在愛人去殘賊擇良吏正決獄平徭賦二日人生在勤勤則不匱其勤率田桑無或煩擾三日六極之人生在勤勤則不匱其勤率田桑無或煩擾三日六長吏華浮奉客以求小譽逐末捨本政之所疾宜謹察

之五日曰人事意氣干亂奉公外正會日侍中黃門宣詔

內溷淆綱紀不設所宜糾劾勞諸郡上計後勞訖付紙遺陳土宜字有脫誤者呼起席

無可取者奪容刀及席既而本曹郎中考其文

迹才辭可取者錄牒吏部簡同流外三品敘

隋制正朝及冬至文物充庭皇帝出西房即御座皇太

子鹵簿至明陽門外入賀復詣皇后御殿拜賀訖還宮

皇太子朝訖郡官客使入就位再拜上公一人詣西階

解劍升賀降階帶劍復位而拜有司奉諸州表羣官在

位者又拜而出皇帝入東房有司奏行事訖乃出西房

坐定羣官入就位上壽訖上下俱拜皇帝舉酒上下舞

蹈三稱萬歲皇太子與會則設座於御東南西向羣臣

上壽畢入位解劍以升會訖先興

開皇四年正月梁王蕭巋朝於京師次於郊外詔廣平

王楊雄吏部尚書韋世康持節以迎衛尉設次於驛館

雄等降就便幕巋服通天冠絳紗袍端珽立於東階下

西面文武陪侍如其國雄等立於門右東面巋攝內史

令柳顧言出門請事世康曰奉詔勞於梁王願言入告

巋出迎於館門之外西面再拜持節者導雄與巋俱入

至於庭下巋北面再拜受詔訖雄等乃出立於館門外

道右東向巋送於門外西面再拜及奉見高祖冠通天

冠服絳紗袍御大興殿如朝儀巋服遠遊冠朝服以入

君臣並拜禮畢而出

自秦兼天下朝覲之禮遂廢及周封蕭管爲梁王訖於隋恒稱藩國始有朝見之儀梁王之朝周入畿大冢宰命有司致積其餼五牢米九十莒醢醢各三十五甕酒十八壺米禾各五十車薪芻各百車旣至大司空設九僮以致館梁王束帛乘馬設九介以待之禮成而出明日王朝受享於廟旣致享大冢宰又命公一人元冕乘車陳九僮以束帛乘馬致食於賓及賓之從各有差致食訖又命公一人弁服乘車執贄設九僮以勞賓王設九介迎於門外明日朝服乘車

還贄於公公皮弁迎於大門授贄受贄並於堂之中楹又明日王朝服設九介乘車備儀衛以見於公事畢公致享明日三孤一人又執贄勞於梁王明日王還贄又明日王見三孤如見三公明日卿一人執贄勞王王見卿又如三孤於是三公三孤六卿又各餼賓並屬官之長爲使牢米束帛同三公

唐舊制元日大陳設皇太子獻壽次上公獻壽次中書令奏諸州表黃門侍郎奏祥瑞戶部尚書奏諸州貢獻禮部尚書奏諸蕃貢獻太史奏雲物侍中奏禮畢然後中書令又與供奉官獻壽時殿上皆呼萬歲冬至亦然



太宗貞觀元年十一月梁州都督竇軌請入朝上曰君臣共事情猶父子外官久不入朝情或疑懼朕亦須數見之問以人間風俗許令入朝

至十五年正月上謂侍臣曰古者諸侯入朝有湯沐邑芻禾百車待以客禮漢家故事爲諸州刺史郡守創立邸舍於京城頃聞都督刺史充考使至京師皆賃房與商人雜居旣復禮之不足必是人多怨歎至十七年十月一日下詔令就京城閒房爲諸州朝集使造邸第三百餘所上親觀焉至永淳中關中饑乏諸州邸舍漸漸殘毀至神龍元年司農卿趙履溫希

權要奏請出賣並盡至建中元年十月二十九日敕每州邸舍各令本州量事依舊營置至二年五月十四日戶部奏若令州府自買事又煩費伏請以官宅二千所分配共住過事却收敕旨宜依

四年詔所司於外廊置食一頓

十三年十月尚書左僕射房元齡奏天下太平萬機事簡請三日一臨朝許之

二十三年九月太尉長孫無忌等奏請視朝坐日上報曰朕登大位日夕孜孜猶恐擁滯衆務自今已後每日常坐又令百官察朔望日服袴褶以朝

高宗永徽二年八月下詔來月一日太極殿受朝此後  
每五日一度太極殿視事朔望朝卽永爲常式京官文  
武五品依舊五日一參

顯慶二年太尉長孫無忌等奏以天下無虞請隔日視  
事許之

中宗神龍元年初令文武官五品以上每朔望參日升  
殿食四月上以時屬炎暑制令每隔日不坐右拾遺靳  
恒上疏諫曰臣聞昔漢制反支日亦通奏事又光武在  
軍躬自覽疏明帝撫運夜必讀書豈以四氣炎寒妨於  
政理竊爲陛下不取

元宗先天二年敕文武官朝參應著袴褶珂織者其有  
不著入班者各奪一月俸若無故不到者奪一季祿其  
行香拜表不到亦准此頻犯者量事貶降其衣冠珂織  
仍許著到曹司十月敕諸蕃使都府管羈縻州其數極  
廣每州遣使朝集頗成勞擾應須朝賀委當蕃都督與  
上佐及管內刺史自相通融明爲次第每年一蕃令一  
人入朝給左右不得過二人仍各分領諸州貢物於都  
府點檢一時錄奏

文獻通考卷第一百六

文獻通考卷第一百七

鄱陽馬端臨貴與著

王禮考二

朝儀

開元中蕭嵩奏每月朔望皇帝受朝於宣政殿先列仗衛及文武四品以下於庭侍中奏外辦上乃步自西序門出升御座朝罷入自御座起步入東序門然後放仗散臣以為宸儀肅穆升降俯仰衆人不合得而見之乃請備羽扇於殿兩廂上將出所司承旨索扇扇合上坐定乃去扇給事中奏無事上將退又索扇如初今以為

常

八年中書門下奏曰冬至一陽生萬物潛動所以自古聖帝明王皆此日朝萬國觀雲物禮之大者莫逾是時其日亦祀圜丘皆令得攝官行事質明既畢日出視朝國家以來更無改易緣脩新格將其日祀圜丘遂改用小冬日受朝若親拜南郊受朝須改既令攝祭理不可移伏請改正從之因勅自今已後冬至日受朝永爲常式至天寶三載十一月五日甲子冬至勅伏以昊天上帝義在尊嚴恭惟祀典每用冬至既於是日有事圜丘更受朝賀實深兢惕自今已後冬至宜取以次日受朝

仍永爲常式至永泰二年十一月三日詔以十三日甲子冬至令有司祭南郊於含元殿受朝賀至建中二年十一月二十日敕宜以冬至日受朝賀

二十五年御史大夫李通之奏每至冬至及緣大禮應朝參官併六品清官並服朱衣餘六品以下許通著袴褶如有褻故准式不合著朱衣袴褶者其日聽不入朝自餘應合著而不著者請奪一月俸以懲不恪制曰可天寶六載敕中書門下奏承前諸道差使賀正十二月早到或有先見或有不見其所賀正表但送省司又不通進因循日久於禮全乖望自今已後應賀正使並取

元日隨京官例序立便見通事舍人奏知其表直送四方館元日仗下後一日同進敕旨依

肅宗乾元三年敕員外郎五品以上常參官自今已後

非朔望日許不入賊平之後依舊常參

時安史據河洛

代宗廣德二年敕常參官遇泥雨准儀制令停朝參今軍國事殷若准式停恐有廢闕泥既深阻許延三刻傳點待道路通依常式

德宗建中元年十一月朔御宣政殿朝集使及貢士見自兵興以來典禮廢墜州郡不上計內外不會同者二

十五年至此始復舊典

州府計吏至者一百七十有三

二年正月朔御含元殿四方貢獻列爲庭實復舊例也御史中丞竇參奏准儀制令泥雨合停朝參伏以軍國事殷恐有廢缺請令每司長官一人入朝有兩員併副貳亦許分日其夜甚雨至明不止許令仗下到廊食訖入中書其餘官及王府長官並請停朝任於本司勾當公事泥雨經旬亦望准此

是年舉故事置武班朝參其廊下食等亦宜加給

貞元七年詔常參官入閣不得奔走其有司以下喪者禁褻服朝會復衣綾袍金玉帶

初金吾將軍沈房有弟喪公服不衣褻服入門上問宰臣董晉對曰准式朝官有司以下喪者許服繩纒

衣不合淺色上曰南班何得有之對曰因循而然又曰在式朝官皆以綾爲袍五品以上服金玉帶取其文綵華飾以奉上也昔尚書郎含香此意也

十五年膳部郎中歸崇敬以百官朝服袴褶非古禮上疏云按三代典禮兩漢史籍並無袴褶之制亦未詳所起之由隋代以來始有服者事不師古請罷之奏可

憲宗元和元年三月准吏部兵部尚書侍郎郎官并禮部侍郎御史中丞武元衡奏前件等司近起十月至來年三月稱在選舉限內不奉朝參令式無文禮敬斯闕一年之內半歲不朝去貞元十二年中丞王顏奉敕釐

革載在明文尋又因循輒自更改若以兵吏禮部舉選限內事繁卽中書門下御史臺度支京兆府公事至重朝請如常又况旬節已賜歸休常參又許分日一月之內才奉十日朝參其間甚熱甚寒皆蒙頒放臣以爲王顏舉奏甚詳當時敕文甚備准貞元十一年四月敕旨自今以後永爲常式他年妄改條請委臺司彈奏庶使班行式敘典法無虧依奏

二年御史臺奏文武常參官准乾元元年敕如有朝堂相弔慰及跪拜待漏行立不序談笑喧譁入衙門執笏不端行立遲慢至班列立不正趨拜失儀言語微喧穿

班仗出閣門不卽就班無故離位廊下食行坐失儀語  
鬧入朝及退朝不從正衙出入非公事入中書每犯奪  
一月俸今商量舊條每罰各減半有犯必舉不敢寬容  
如所由指揮尙抵拒飾非卽請准舊例錄奏貶官從之  
十年三月壬申朔御延英殿召對宰臣故事朔望日御  
宣政殿見羣臣謂之大朝元宗始以朔望陵寢薦食不  
聽政其後遂以爲常今之見宰臣特以事召也

武宗會昌二年中書門下奏元日御含元殿百官就列  
惟宰相及兩省官皆未索扇前立於欄檻之內及扇開  
便侍立於御前三朝大慶萬邦稱賀惟宰相侍臣同介

胄武夫竟不拜至尊而退酌於禮意事未得中臣商量  
請御殿日昧爽宰相兩省官對班於黃案前俟扇開通  
事贊兩省官再拜拜訖升殿侍立從之

昭宗天佑二年敕漢宣帝中興五日一聽朝歷代通規  
宜爲常式今後每月只許一五九日開延英計九度其  
入閣日仍於延英日一度指揮如有大段公事中書門  
下具榜子奏請開延英不計日數

三年敕文武百僚每月一度入閣於貞觀殿貞觀大殿  
朝廷正衙正至之辰受羣臣朝賀比來視朔未正規儀  
今後於崇勳殿入閣

唐開元禮

皇帝正至受羣臣朝賀儀

前一日尚舍奉御設御幄於太極殿北壁下南向鋪御座如常守宮設羣官客使等次於東西朝堂太樂令展宮懸於殿庭設麾於殿上西階之西東向一位於樂懸東南西向鼓吹令分置十二按於建鼓之外乘黃令陳車輅尚輦奉御陳輿輦尚舍奉御設解劍席於懸西北橫街之南並如常儀典儀設文官三品以上位於橫街之南道東三品之下介公褒聖侯於鄩公於道西武官三品以上於介公之西少南每等異位重行北面相對爲首設文

官四品五品位於懸東六品以下於橫街南每等異位重行西面北上設諸州朝集使位都督刺史及三品以上東方南方於文官三品之東重行北面西上西方北方於武官三品之西重行北面東上四品以下皆分方位於文武官當品之下諸州使人分方位於朝集使下亦如之設諸親位於四品五品之南皇宗親在東異姓親在西設諸方客位三等以上東方南方於東方朝集使之東每國異位重行北面西上西方北方於西方朝集使之西每國異位重行北面東上四等以下分方位於朝集使六品之下重行每等異位設典儀位於懸之東北贊者二



人在南少退俱西面奉禮設門外位文官於東朝堂每等異位重行西面裏聖侯於三品之下介公鄴公於西朝堂之前武官於介公之南少退每等異位重行東面諸親位文武官四品五品之南皇宗親在東異姓親在西設諸州朝集使位東方南方於宗親之南每等異位重行西面西方北方於異姓親之南每等異位重行東面諸州使人分方位於朝集使之下亦如之諸方客位東方南方於東方朝集使之南每國異位重行西面北上西方北方於西方朝集使之南東面北上其日依時刻將士填街諸衛勒所部列黃麾大仗屯門及陳於殿庭如常儀羣官諸親客

使集朝堂皆就次各服其服侍中版奏請中嚴太樂令帥工人入就位協律郎入就舉麾位諸侍衛之官各服其器服符寶郎奉寶俱詣閤奉迎典儀帥贊者先入就位吏兵部主客戶部贊羣官客使俱出次通事舍人各引就朝堂前位又通事舍人引四品以下及諸親客使等應先置者入就位侍中版奏外辦皇帝服袞冕冬至則服通天冠絳紗袍御輿以出曲直華蓋警蹕侍衛如常儀皇帝將出仗動太樂令令撞黃鍾之鐘右五鐘皆應協律郎俛伏舉麾鼓祝奏太和之樂鼓吹振作以姑洗之均皇帝出自西房即御座南向坐符寶郎奉寶置於御座如常

協律郎偃麾戛敔樂止通事舍人引王公以下及諸方客使等以次入就位皇太子若來朝則皇太子朝出訖典謁引公王以下入公初入門舒和之樂作至位樂止羣官客使等立定典儀唱再拜贊者承傳羣官客使等皆拜訖通事舍人引上公一人詣西階公初行樂作至解劍席樂止公就席脫舄跪解劍置於席俛伏興通事舍人引升階進當御座前北面跪賀稱某官臣言賀詞與太子同唯稱尊號為異賀訖俛伏興通事舍人引降階詣席後上公跪著劍俛伏興納舄樂作復橫街南位樂止羣官客使等俱再拜侍中前承詔降詣羣官東北西面稱有制羣官客使等皆再拜宣制曰

履新之慶與公等同之冬至云履長之慶與公等同之宣訖羣官客使

等皆再拜訖舞蹈三稱萬歲訖又再拜侍中還侍位初

羣官將朝中書侍郎以諸州鎮表別為一案俟於右延

明門外給事中以祥瑞案俟於左延明門外俱合史絳

公服對舉案侍中給事中俱就侍臣班於客使入戶部

以諸州貢物陳於太極門東西廂禮部以諸藩貢物最

可執者蕃客手執入就內位其重大者陳於朝堂前初

上公將入門中書侍郎降引表案入詣西階下東面立

給事中降引祥瑞案入詣東階下西面立上公將升賀

中書令黃門侍郎俱降各立階下初上公升階中書令

黃門侍郎各取所奏之文以次升上公賀訖中書令前  
跪奏諸方表訖黃門侍郎又進跪奏祥瑞訖俱降置所  
奏之文於案各還侍立侍郎與給事中引案退至東西  
階前案遂出侍郎給事還侍立初侍中宣制訖朝集使  
及蕃客皆再拜訖戶部尚書進詣階間北面跪奏其尚書奏  
仍待黃門侍郎稱戶部尚書臣某言諸州貢物請付所司  
郎奏祥瑞訖俛伏興侍中前承制退稱制曰可尚書退復位禮部尚  
書以次進詣階間北面跪奏稱禮部尚書臣某言諸蕃  
貢物請付所司俛伏興侍中前承制退稱制曰可尚書  
退復位侍中還侍位太府率其屬受諸州及諸蕃貢物

出歸仁納義門執物者隨之典儀曰再拜通事舍人以  
次引北面位者出公初行樂作出門樂止侍中前跪奏  
稱侍中臣某禮畢俛伏興還侍位皇帝興太樂令令撞  
蕤賓之鐘左右五鐘皆應奏太和之樂鼓吹振作皇帝  
降座御輿入自東房侍衛警蹕如來儀侍臣從至閤樂  
止通事舍人引東西面位者以次出蕃客先出其冬至受朝則不奏祥瑞  
貢物又無諸方表

會

朝訖太樂令設登歌於殿上引二舞入立於懸南面尚  
舍奉御鋪羣官升殿者座文官三品以上於御座東南

西向裏聖侯於三品之下介公鄴公於御座西南東向武官三品

以下於介公鄴公之後朝集使都督刺史及三品以上  
東方南方於文官三品之後西方北方於武官三品之  
後蕃客三等以上東方南方於東方朝集使之後西方  
北方於西方朝集使之後俱重行每等異位以北爲上  
設不升殿者座各於其位又設羣官解劍席於懸之西  
北橫街之南並如常儀尚食奉御設壽罇於殿上東序  
之端西向設坫於罇南加爵一太官令設升殿者酒罇  
於東西廂近北設殿庭羣官酒罇各於其座之南皆有  
坫羣俱幃以帷施設訖吏部兵部戶部主客贊羣官客

使俱出次通事舍人各引就朝堂前位典儀帥贊者先  
入就位通事舍人各引升陛者次入就位侍中版奏外  
辦皇帝服通天冠絳紗袍冬至則不改服御輿以出曲直華蓋

警蹕侍衛如常儀皇帝將出仗動太樂令撞黃鍾之鐘  
右五鐘皆應奏太和之樂鼓吹振作皇帝出自西房卽  
御座南向坐符寶郎奉寶置於座如常樂止典儀一人

升就東階上西面立通事舍人引王公以下及諸客使  
以次入就位公王初入門樂作至位樂止羣官客使立

定若朝會日別設位贊拜陳引如朝禮其日二舞與工人俱入就位侍中進當御座前

北面跪奏稱侍中臣某言請延諸公王等升俛伏興又

侍中稱制曰可侍中詣東階上西面稱制延公王等升殿上典儀承傳階下贊者又承傳羣官客使皆再拜侍中還位羣官拜訖通事舍人引應升殿者詣東西階公初行樂作至解劍席樂止公王以下各脫舄跪解劍置於席上俛伏興通事舍人接引上公一人升階少東西面立定以下各立於座後立定光祿卿進詣階間跪奏稱臣某言請賜羣臣上壽俛伏興侍中稱制曰可光祿卿退詣酒罇所西面立通事舍人引上公詣酒罇所北面立尙食奉御酌酒一爵授上公上公緡笏受爵通事舍人引上公進到御座前北面授殿中監殿中監受爵

進置御前上公執笏通事舍人引上公退北面跪稱某

官臣某等稽首言元正首祚

冬至云天  
正長至

臣等不勝大慶

謹上千萬歲壽俛伏興再拜羣官客使等上下俱再拜立於席後侍中前承制退稱敬舉公等之觴羣官客使等上下又再拜殿中監取爵奉進近臣遞進皇帝舉酒休和之樂作羣官客使等上下皆舞蹈三稱萬歲皇帝舉酒訖殿中監進受虛爵以授尙食奉御奉御受爵復於坵樂止初殿中監受虛爵殿上典儀唱再拜階下贊者承傳羣官客使等上下皆再拜通事舍人引上公就座後立殿上典儀唱就座階下贊者承傳羣官客使等

上下俱就座俛伏坐太樂令引歌者及琴瑟至階脫履於下升就位坐其笙管者進詣西階間北面立尙食奉御進酒至階殿上典儀唱酒至興階下贊者承傳羣官客使等上下皆俛伏起立於席後殿中監到階省酒尙食奉御奉酒進皇帝舉酒太官令又行羣官酒酒至殿上典儀唱再拜階下贊者承傳羣官客使等皆再拜搯笏受觶殿上典儀唱就座階下贊者承傳羣官客使等上下皆就座俛伏坐飲皇帝初舉酒登歌作昭和之樂三終尙食奉御進受虛觶復於坵登歌訖降復位觴行三周尙食奉御進御食食升階殿上典儀唱食至興階

下贊者承傳羣官客使等上下皆執笏俛伏起立座後殿中監到階省案尙食奉御品嘗食訖以次進置御前

太官令又行羣官案

御若不食羣官案先上訖不須興

設食訖殿上典

儀唱就坐階下贊者承傳羣官客使等上下皆就座俛伏坐皇帝乃飯休和之樂作羣官客使等上下俱飯御飯畢樂止仍行酒遂設庶羞太樂令引二舞以次入作若賜酒侍中承詔詣東陛西面稱賜酒殿上典儀承傳階下贊者又承傳羣官客使等上下皆執笏俛伏起再拜搯笏立受觶就席俛伏坐飲訖俛伏起立授虛爵執笏又再拜就坐酒行十二徧會畢殿上典儀唱可起階

下贊者承傳羣官客使等上下皆俛伏起立席後通事舍人引降階俱詣席後跪著劍俛伏興納烏樂作復橫街南位樂止位於殿庭者仍立於席後立定典儀曰再拜贊者承傳羣官客使等在位者皆再拜位於殿庭者拜於席後若有敕賜物侍中前承制降詣羣官東北西面稱有制羣官客使等又再拜通事舍人引羣官客使以次出公初行樂作出門樂止侍中前奏稱侍中臣某言禮畢俛伏興還侍位皇帝興太樂令令撞蕤賓之鐘左右五鐘皆應奏太和之樂鼓吹振作皇帝降座御輿入自東房侍衛警蹕如來儀侍臣從至閣樂止通事舍人引東西

面位者以次出蕃客先出皇帝若服翼善冠袴褶則京官著袴褶朝集使著公服升座者服履如式若設九部樂則去樂懸無警蹕太樂令帥九部伎立於左右延明門外羣官初唱萬歲太樂令卽引九部伎聲作而入各就座以次如式

貞元二年敕應文武百官朝謁班序

中書門下侍中中書令同中書門下平章事各以本官序供奉官左右散騎常侍門下中書

侍郎諫議大夫給事中中書舍人起居郎及舍人左右補闕左右拾遺通事舍人在橫班序若入閣

卽各隨左右省其御史大夫中丞侍御史在殿中侍御

史在通事舍人分左右立若橫行參賀辭見御史大夫在散騎常侍之上中

丞在諫議御史臺御史大夫在三品官之上別立中丞在五品官之上別立留守副

元帥都統節度使觀察使都團練都防禦使并大都督

大都護持節兼者即入班在正官之次餘官兼者各從

本官班序御史在六品班之後諸使下無本官唯授內供奉裏行

者即入班亦在正官之次有本官兼者各從本官班序

如本官不是常參官并憲官是攝者唯聽於御史班中

辭見殿中省官監少監尚衣尚舍尚輦奏御分左右隨

繖扇立若入閣亦如之

一品班 三太三公太子三太嗣郡王散官開府儀同

三司國公等同班

二品班 尚書左右僕射太子三少京兆河南牧大都

督大都護散官特進光祿大夫爵開國郡公開國縣

公并上柱國同

三品班 六司尚書太子賓客九寺卿國子祭酒三監

京兆等七府尹詹事親王傅中都督上都護下都護

下都督上州刺史五大都督府長史上都督府都護

散官金紫光祿大夫爵開國侯勳上護軍護軍

四品班 尚書左右丞六司侍郎太常少卿左右庶子

祕書少監餘七寺少卿國子司業少府將作少監京

兆河南太原少尹少詹事左右諭德家令率更令僕



親王長史司馬鳳翔等少尹中州刺史下州刺史大都督大都護司馬散官正議大夫通議大夫太中大夫中大夫爵開國伯勳官上輕車都尉

五品班 尚書諸司郎中國子博士都水使者萬年等六令太常宗正祕書丞著作郎殿中丞尚食尚藥尚舍尚輦奉御大理正中允左右贊善中舍人洗馬親王諮議散官中散大夫朝請大夫朝散大夫爵開國子開國男勳官上騎都尉

武班供奉宣政殿前立位 從北千牛連行立次千牛中郎將次千牛將軍一人次過狀中郎將一人次接

狀中郎將一人次押柱中郎將一人次又押柱中將一人次排階中郎將一人次又押散手仗中郎將一人已上在橫階北次南金吾左右大將軍

入閣升殿 夾階座左右從南千牛將軍一人次千牛中郎將一人次千牛將軍一人次千牛連行立柱外過狀中郎將一人接狀中郎將一人次押柱中郎將一人次又押柱中將一人排階中郎將一人階下押散手仗中郎將一人金吾將軍分左右立

應當本日入閣人各依前件立其不入閣人各依本職事立非當上人遇合參日並從本官品第班序其入

閣升殿除千牛衛將軍中郎將外餘並以左右衛中郎將充其諸衛及率府中郎將不得升殿

一品班 郡王散官驃騎大將軍爵國公

二品班 散官輔國大將軍鎮國大將軍爵開國郡公  
開國縣公勳官上柱國柱國

三品班 左右衛左右金吾衛左右驍衛左右武衛左右威衛左右領軍衛左右監門衛左右千牛衛大將軍諸衛將軍散官冠軍大將軍雲麾將軍爵開國侯  
勳官上護軍護軍

四品班 左右千牛衛左右監門衛中郎將親勳翊衛中郎將太子左右衛太子左右衛司率清道內率監門副率太子親勳翊衛中郎將上府折衝都尉中府折衛都尉散官忠武將軍壯武將軍宣威將軍明威將軍爵開國伯勳官上輕車都尉輕車都尉

五品班 親勳翊衛郎將太子親勳翊衛郎將親王典軍親王副典軍下府折衝都尉上府果毅都尉散官定遠將軍寧遠將軍游騎將軍游擊將軍爵開國子開國男勳官上騎都尉騎都尉

尚書省官 據周禮先敘六官准六典尚書爲百官之本今每班請以尚書省官爲首

東宮官王府官外官 東宮官既爲宮臣請在上臺官  
之次王府官又次之三太三少賓客右庶子王傅既  
爲師傅賓相不同官屬請仍舊

太常宗正丞 並隨寺望合在祕書丞上

尙食奉御尙藥奉御 本局既隸殿中省合在殿中丞  
之下

諸王府官 行列合以王長幼爲序

檢校官兼官及攝試知判等官 並在同類正官之次  
其有行守檢校兼試攝判等官職事者卽依正官班  
序除留守副元帥都統節度觀察都團練都防禦使

并大都督大都護持節兼外餘應帶武職事者位在  
西班仍各以本官品第爲班序

含元殿前龍尾道下序班 舊無此儀唯合於通乾觀  
象門南序班自李若水任通事舍人奏更於龍尾道  
下序班旣非典故今請停

文武官行立班序 通乾觀象門外序班武次文至宣  
政門文由東門而入武由西門而入至閤門亦如之  
其退朝卽並從宣政兩門出

文官充翰林學士皇太子侍讀諸王侍讀武官充禁軍  
職事 准舊例並不常朝參其翰林學士大朝會日

准興元元年十二月二十九日敕朝服班序宜准諸  
司官知制誥例在集賢史館等諸職事者並請朝參  
訖各歸所務

辭見宴集班列先後 請依天寶三載七月二十八日  
禮部詳定所奏敕

公式令 諸文武官朝參行立二王後位在諸侯王上  
餘各依職事官品爲序職事同者以齒致仕官各居  
本色之上若職事與散官勲官合班列文散官在當  
階職事者之下武散官次之勲官又次之官同者異  
姓爲後若以爵爲班爵同者亦准此其男已上任文

武官者從之文武班若親王嗣王任卑者職事仍依  
本品郡王班三品已下職事者在同階品上自外無  
文武官者嗣王在太子太保下郡王次之國公在正  
三品下郡公在從三品下縣公在正四品下侯在從  
四品下伯在正五品下子在從五品上男在從五品  
下卽前官被召見及赴朝參致仕者在本品見任上  
以理解者在同品下其在本司參集者各依職事諸  
散官三品已上在京者正冬朝會依百官例自餘朝  
集及別使臨時聽

儀制令

諸在京文武官職事九品已上朔望日朝其

文武官五品已上及監察御史員外郎太常博士每日常參武官五品已上仍每月五日十一日二十一日二十五日參三品已上直諸司及長上者各准職事參其弘文館崇文館及國子監學生每季參若雨霑失容及泥潦並停諸文武九品已上應朔望朝參者十月一日已後二月二十日已前並服袴褶五品已上著珂傘周喪未練大功未葬非供奉及宿衛官皆聽不趨

常參文武官准令每日參自艱難已來人馬劣弱遂許分日望許依前分日參待戎事稍平加其俸祿卽依常

式其武官准令五品已上每月六參三品已上更加三參頃並停廢今請准令却復舊儀其朔望朝參及弘文館崇文館國子監學生每季參等請續商量聞奏以前御史中丞竇等奏伏奉今年四月三日敕宜付所司與御史臺以近日體例參校禮文務從簡正詳定訖聞奏者臣等准敕詳定如前敕旨二品武班宜以左右金吾等十六衛上將軍依次爲班首其檢校官兼及攝試知判等本官二品以上者位望崇重禮異羣僚宜依本班朝會餘依

開延英儀

內中有公事商量卽降宣頭付閣門開延英閣門翻宣  
申中書并榜正衙門如中書有公事敷奏卽宰臣入榜  
子奏請開延英祇是宰臣赴對閣門使奏宰臣某已下  
延英候對宣徽使殿上宣通次閣門使奏中書門下到  
次宣徽使喚次閣門使傳聲喚次通事舍人引宰臣當  
殿立贊兩拜搯笏舞蹈又三拜奏聖躬萬福又兩拜金  
口宣上來又兩拜通事舍人引上殿至御座前又兩拜  
問聖體皇帝宣安又兩拜三呼萬歲各分班案前立定  
兩樞密使在御榻兩面祇候其餘臣僚並約赴外次奏  
事訖宣賜茶又兩拜三呼萬歲賜坐喫茶對訖下殿兩

拜宣賜酒食舞蹈謝恩訖宣徽使喝好去就中書喫食  
延英畢次兩省官轉對閣門使當殿奏某已下轉對宣  
徽使殿上宣通次閣門使奏某已下到次宣徽使喚次  
閣門使傳聲喚次通事舍人引當殿立定贊兩拜搯笏  
舞蹈又三拜奏聖躬萬福又兩拜殿下奏事訖宣賜酒  
食又兩拜舞蹈謝訖閣門使喝好去南班揖殿出於省  
就食次對官御史中丞三司使京兆尹並各奏所司公  
事次閣門使奏某祇候次對宣徽使殿上宣通次閣門  
使奏某到次宣徽使喚次閣門使傳聲喚次通事舍人  
引當殿立定贊兩拜搯笏舞蹈三呼萬歲又三拜訖奏

聖躬萬福又兩拜奏所司公事訖宣賜酒食又兩拜舞蹈謝訖閣門使喝好去南班揖殿出於客省就食合起延英中謝官文武兩班三品及御史中丞左右丞諸行侍郎諫議給事中書舍人并諸道節度觀察防禦團練使刺史兩縣令皆入謝並通喚

文武四品以下及諸道行軍司馬節度副使兩使判官書記支使推巡令錄等舊例並不對殿中謝祇於正衙朝謝

後唐同光元年十二月中書門下奏每日常朝百官皆拜獨兩省官不拜准本朝故事朝退於廊下賜食謂之

廊餐百官遂有謝食拜唯兩省官本省有厨不赴廊餐故不拜伏自僖宗幸蜀迴以多事之後遂廢廊餐百官拜儀至今未改將四十載禮恐難停唯兩省官獨尙不拜豈可終日趨朝曾不一拜獨於班列有所異同若言官是近臣於禮尤宜肅謹起今後逐日常朝宣不坐除職事官押班不拜外其兩省官與東西班並齊拜從之天成元年五月十九日敕本朝舊日趨朝官置待漏院候子城門開便入立班如遇不坐前一日晚便宣來日兩衙不坐其日纔明閣門立班便宣不坐百官各退歸司近年以來雖遇不坐正殿或是延英對宰臣或是內

殿親決機務所司不循舊制往往及辰巳之時尙未放班旣日色已高人心咸倦今後若遇不坐日未御內殿前便令閤門使宣不坐放朝班退

五月詔每月朔望日賜百官廊下餐

唐室升平日常參官每日朝退賜食謂之廊餐自乾符亂離之後祇遇月旦入閤日賜食上初卽位命百官五日一起居李琪以爲非故事請罷之唯每月朔望日入閤賜食至是宣旨朔望入閤外依舊五日一起居遂爲定式

五代史李琪傳曰唐末喪亂朝廷之禮壞天子未嘗

視朝而入閤之制亦廢常參之官日至正衙者傳聞不坐卽退獨大臣奏事日一見便殿而侍從內諸司日再朝而已明宗初卽位乃詔羣臣五日一隨宰相入見內殿謂之起居琪以謂非唐故事請罷五日起居而復朔望入閤明宗曰五日起居吾思所以數見羣臣也不可罷而朔望入閤可復然唐故事天子日御殿見羣臣日常參朔望薦食諸陵寢有思慕之心不能臨前殿則御便殿見羣臣日入閤宣政前殿也謂之衙衙有仗紫宸便殿也謂之閤其不御前殿而御紫宸也乃自正衙喚仗由閤門而入閤官俟朝於



衙者因隨以入見故謂之入閣然衙朝也其禮尊閣  
宴見也其事殺自乾符已後因亂禮闕天子不能日  
見羣臣而見朔望故正衙常日廢仗而朔望入閣有  
仗其後習見遂以入閣爲重至出御前殿猶謂之入  
閣其後亦廢至是而復然有司不能講正其事凡羣  
臣五日一入見中興殿便殿也此入閣之遺制而謂  
之起居朔望一出御文明殿前殿也反謂之入閣琪  
皆不能正也琪又建言入閣有待制次對官論事而  
內殿起居一見而退欲有言者無由自陳非所以數  
見羣臣之意也明宗乃詔起居日有言事者許出行

自陳又詔百官以次轉對

三年中書門下奏逐日常朝宣奉敕不坐兩省官與東  
西兩班並拜押班宰臣不拜或聞班行所論承前有廊  
餐百官謝食兩省卽各有常厨從來不拜或云有侍臣  
不拜檢尋故實不見明規百官拜爲廊餐卽承旨合宣  
有敕賜食供奉官不拜亦恐非儀且左右前後之臣日  
面天顏豈可不拜臣等商量今後常朝押班宰臣亦拜  
通事舍人亦拜閣門外放仗亦拜從之

晉開運元年十一月尙書吏部侍郎張昭遠奏文武常  
參官日於正衙立班閣門使宣不坐後百僚俱拜舊制

唯押班宰相押樓御史通事舍人各緣提舉贊揚所以  
不隨庶官俱拜自唐天成末議者不悉朝儀遽違舊典  
遂令押班之職一例折腰此則深忽禮文殊乖故實且  
宰相居庶僚之首御史持百職之綱嚴肅禁庭糾繩班  
列慮於拜揖之際或爽進退之宜於是凝立靜觀檢其  
去就若令旅拜旅揖實恐非儀况事要酌中恭須近禮  
人臣愛主不在於斯其通事舍人職司贊導比者兩班  
進退贊相其宜今則在文班武班之前居一品二品之  
上押笏齊拜禮實未聞其押班宰相押樓御史通事舍  
人並請依天成三年已前禮例施行殿中侍御史賈元  
珪奏除押樓御史通事舍人請依張昭遠奏其宰臣押  
班請依舊設拜從之

石林葉氏曰唐以宣政殿爲前殿謂之正衙卽古  
之內朝也以紫宸殿爲便殿謂之上閣卽古之燕  
朝也而外別有含元殿古者天子三朝外朝內朝  
燕朝外朝在王宮庫門外有非常之事以詢萬民  
於宮中內朝在路門外燕朝在路門內蓋內朝以  
見羣臣或謂之路朝燕朝以聽政猶今之奏事或  
謂之燕寢鄭氏小宗伯注以漢司徒府有天子以  
下大會殿爲周之外朝而蕭何造未央宮言前殿

則宜有後殿大會殿設於司徒府則爲外朝而宮  
中有前後則爲內朝燕朝蓋去周猶未遠也唐含  
元殿宜如漢之大會殿宣政紫宸乃前後殿其沿  
習有自來矣方其盛時宣政蓋常朝日見羣臣遇  
朔望陵寢薦食然後御紫宸旋傳宣喚仗入閣宰  
相押之由閣門進百官隨之入謂之喚仗入閣紫  
宸殿言閣猶古之言寢此御朝之常制也中世亂  
離宣政不復御正衙立仗之禮遂廢惟以隻日常  
朝御紫宸而不設仗敬宗始復修之因以朔望陳  
仗紫宸以爲盛禮亦謂之入閣誤矣

又曰唐正衙日見羣臣百官皆在謂之常參喚仗  
入閣百官亦隨以入則唐制天子未嘗不日見百  
官也其後不御正衙紫宸所見惟大臣及內諸司  
百官俟朝於正衙者傳聞不坐卽退則百官無復  
見天子矣敬宗再舉入閣禮之後百官復存朔望  
兩朝至五代又廢故後唐明宗始詔羣臣每五日  
一隨宰相入見謂之起居時李琪爲中丞以爲非  
禮請復朔望入閣之禮明宗曰五日起居吾思見  
羣臣不可罷朔望入閣可復遂以五日羣臣一入  
見中興便殿爲起居朔望天子一出御文明前殿

爲入閣訖於宋朝不改元豐官制行始詔侍從官而上日朝垂拱謂之常參官百司朝官以上每五日一朝紫宸爲六參官在京朝官以上朔望一朝紫宸爲朔參官遂爲定制

宋朝因唐與五代之制文武官每日赴文明殿正衙常參宰相一人押班五日起居卽崇德長春二殿中書門下爲班首其長春殿常朝則內侍省都知押班率內供奉官以下并寄班等先起居次閤門使次三班使臣節度觀察防禦團練刺史等子弟充供奉官侍禁殿直有旨令預內朝起居者次內殿當直諸班殿前指揮使左右班都虞侯以下內殿直散直散指揮散都頭金槍班等次長入祇候東西

班殿侍次御前忠佐次殿前都指揮使率軍校至副指

揮使次駙馬都尉任刺史以上者綴本班次諸王府僚次殿前司

諸軍使都頭次皇親將軍以下至殿直次行門指揮使

率行門起居以上並內侍贊謁如傳宣前殿不坐卽宰相與樞

密使文明殿學士三司使翰林樞密直學士中書舍人

三司副使知起居注皇城內監庫藏朝官諸司使副內

殿崇班供奉官侍禁殿直翰林醫官待詔等同班入中書

舍人乾德後始令赴內朝三司判官太平興國前赴內殿其後罷之止隨百官五日起居中書舍人知起居注

遇五日起居之外次親王次侍衛親軍馬步軍都指揮使

率軍校至副指揮使次使相次節度使次統軍次兩使

留後觀察使次防禦團練使刺史次侍衛馬軍步軍使  
都頭起居畢見謝班入如御崇德殿卽樞密使以下先  
就班俟升坐諸司使副以下至殿直分東西宰相參知  
政事最後入對立餘皆北向宰相參知  
政事最後入門贊謁日止再拜朔望及三日假卽樞  
密使以下皆舞蹈國初近侍執事之臣皆赴晚朝後罷  
之凡早朝宰相樞密宣徽使起居畢同升殿問聖體宰  
相奏事樞密宣徽使退候宰相對畢樞密使復入奏事  
次三司開封府審刑院遇百官起居卽樞密宣徽使侍  
殿三司使文明樞密直學士內客省使仍侍立舊三司  
使奏事副使判官同對其後止副使司之大中祥符九  
年詔自今有大事許判官同上之及羣臣以次升殿自兩省以上領務

卽請對自餘受使出入要切其見謝辭官以次入於庭  
者欲面議奏事則先聽進止出使閑慢及未升朝官或止拜於殿門外自祕書監上  
將軍觀察使內客省使以上得拜殿前階上及升殿止  
拜御座前餘皆庭中也凡見者先之謝次之辭又次之其班次先  
王次樞密副使參知政事次內職內臣次使三司學  
士兩省御史臺文武班節使以下次將軍校次雜班惟  
宰相親王使相赴崇德殿卽宣徽使通喚餘皆側立候  
通再拜舞蹈致詞辭卽不舞蹈見卽將相升殿問聖體  
其賜分物酒食及收進奉物皆舞蹈稱謝凡收進奉幕  
職州縣官謝辭卽判銓官引對兼於殿門外宣辭戒勵  
凡國有大慶瑞出師勝捷樞密使率內職軍校入賀致  
詞閣門使宣答訖當侍立者升殿次百官入宰相致詞

宣徽使宣答賜酒卽預坐官後入作樂送酒如曲宴之儀

凡視朝退進食訖易服御崇政殿或承明殿先羣臣

告謝

自諫舍知雜御史以上及帶三司館王府僚屬

歷官醫官刺史以上上將軍并發運使轉運使

并許焉自非宣制並捧官告勅叙謝其貴近者或

賜坐賜茶餘或改章服卽謝訖易服又告謝再拜次

軍頭引見司奏事於殿陛下三班審官院流內銓

刑部及諸司引見官吏

後詔審官院引對京朝官奏課不得過三人差遣不得過

五人三使部選人差遣各不得過十人如假日起居辭見畢卽移御坐

臨軒視事既退復有羣司奏或閱器物之式謂之後殿再坐

御賜宴之儀宋朝常以春秋之季仲月及誕聖節擇日

大宴羣臣於廣德殿有司預於殿庭設山樓排場爲羣

仙隊仗六著進貢九龍五鳳之狀司天雞唱樓於側殿

上陳錦綉幃帟垂香毬設銀香爐於楹內藉以文茵御

設茶酒器於殿東北楹間羣官醖竽於殿下幕屋分設

宰相使相三師三公參知政事東宮三師僕射學士大

夫中丞三少尚書常侍賓客太常宗正卿丞郎給事諫

舍節度兩使留後觀察防禦團練刺史上將軍統軍廂

都指揮使坐於殿上文武四品以上知雜御史郎中郎

將禁軍都虞候坐於朶殿餘升朝官諸軍副都頭以上

諸蕃進奉使諸道進奉軍將以上分坐於兩廊宰相使相坐以綉整曲宴行幸用几參知政事以下用二蒲整花毯曲宴

樞密副使並同軍都指揮以上用一蒲整自朶樓而下皆緋張

氈條席殿下器上以金餘以銀其日樞密使以下先起

居訖當侍立者升殿宰相率百官入宣徽門通喚致詞

訖宰相升殿進酒各就坐酒九行曲宴酒七行或至五行每上舉

酒羣臣立侍次宰相次百官舉酒或傳旨命醕即皆搢

笏起飲再拜曲宴多或不拜或上壽朝會止令滿酌不勸中飲

更衣賜花有差宴訖舞蹈拜謝而出其郊祀籍田禮畢

皆設大宴上元觀燈設燈山靈臺音樂百戲於明德門

前召三公僕射尚書丞郎東宮三師三少賓客太常宗

正卿大兩省御史大夫中丞知雜御史中元下元升東

華門唯近臣預焉苑囿池御及觀稼校獵遊幸所至但

宴從官太平興國以後大宴於大明殿親王樞密使副

宣徽三司使駙馬都尉皆侍立軍校自龍神衛四廂都

指揮使立庭其宴契丹使亦於崇政殿但近臣及刺史

郎中而上預焉巡幸還京亦設大宴於崇德殿雍熙三

年後常以暮春召近臣賞花釣魚於苑中三館之職皆

預中書樞密院節度使出使赴鎮宰相還朝咸賜宴於

外苑以親王或樞密宣徽使主其席掌兵觀察以上有特賜者皆開封府

樂營支應又別賜酒果細食餅餌

中書樞密院節度使見辭日長春殿

賜酒五行見仍設食當直翰林學士以上皇親觀察以

上預坐太祖太宗朝藩鎮沿五代舊制時或來朝自後非詔命不得擅離治所牧伯入覲

及被召使廻客省齋籤賜酒食節度使十日留後七日

觀察使五日留後三日觀察使一日防禦團練使刺史

並賜生料節度使以私故到闕下及步軍都虞候以上

出使廻者亦賜酒食熟羊羣官出使廻朝見日面賜酒

食中書樞密宣徽使伴學士東宮三師僕射刺史大夫節度使內客省使並宣徽使伴兩省五品已上待制

中丞三司副使東宮三少尚書丞郎卿監上將軍統軍留後觀察防禦團練使刺史宣慶宣政昭宣使並客省使伴少卿監大諸將軍司使以下任發運轉運提點刑獄知州通判縣令都監巡檢廻者朝見並通事舍人伴

客省引進四方館閣門使並本廳就食也羣臣稱賀賜衣奉尉並特賜茶酒

或賜食外任遣人進奉亦賜酒食或生料十一月一日

後盡正月每五日起居百官皆賜茶酒諸軍小校三日

一賜冬正二社重陽寒食樞宰近臣禁軍大校或賜宴

其第及府署中率以為常淳化四年令京官兼館職者

並預大宴

先是輔臣宴集於尚書省或都亭驛誕聖節齋會則

就相國寺大中祥符間上以佛舍中烹飪優笑有虧

恭潔乃令內侍臣度館宇顯敞者易之遂以南衙為

錫慶院以備宴令焉



太祖皇帝建隆二年春正月朔帝御崇元殿受朝賀服  
袞冕設宮懸仗衛如儀仗退羣臣詣皇太后宮門奉賀  
上常服御廣德殿羣臣上壽用教坊樂

宋承前代之制以元日五月朔冬至行大朝會之禮  
太祖建隆元年五月朔有司請受朝時司天上言日  
當食故罷是年十一月冬至上親征揚州不受朝宰  
臣率百官詣行宮拜表稱賀至二年正月朔始行其  
禮自是凡正冬及五月朔皆太常禮院奏請其無事  
而罷會者下敕但云不御殿至日宰臣文武百官詣  
閣門拜表稱賀五月朔亦無拜表之禮

宋因唐開元之制每正冬不受朝及邦國大慶瑞奉  
上尊號則宰相率文武羣臣并諸軍校蕃夷酋長道  
釋耆老等詣東上閣門拜表進表官跪授表於宰相  
宰相又跪授閣門使乃以奉御凡有答詔亦拜受於  
閣門獲可奏者奉表稱謝其正冬樞密使率內職廷  
臣拜表於長春殿門外亦閣門使受之西京留守率  
留守百官正日一上表起居質明並集長壽寺之班  
置表於案再拜以遣其春秋賜及國大慶瑞並同之  
御殿儀仗及宮中導從之制

御殿儀仗者本充庭之制唐禮殿庭屯門皆列諸衛黃

麾大仗宋朝太祖增創錯繡諸旗并旛髦等著於通禮  
正至五月一日御正殿則陳之青龍白虎旗各一人分  
左右 五岳旗五在左 五星旗五在右 五方龍旗  
二十五在左 五方鳳旗二十五在右 紅門神旗二  
十八分左右 朱雀元武旗各一分左右 皂纛十二  
分左右以上金吾 天一泰一旗各一分左右 攝提旗二  
分左右 五神旗五木火在左 金水在右 北斗旗一在左  
二十八宿旗各一角宿至壁宿在左 奎宿至軫宿在右 風伯雨師旗各  
一分左右 白澤馴象仙鹿玉兔馴犀金鸚鵡瑞麥孔  
雀野馬犂牛旗各二分左右 日月合璧旗一在左

五星連珠旗一在右 雷公電母旗各一分左右 軍  
分旗六分左右 黃鹿飛麟兕騶牙白狼蒼烏辟邪綱  
子貔旗各二分左右 信幡二十二分左右 傳教告  
止旛各十二分左右 黃麾二分左右以上兵部 日旗月  
旗各一分左右 君王萬歲旗一在左 天下太平旗  
一在右 獅子旗二分左右 金鸞金鳳旗各一分左  
右 五方龍旗各一青赤在左 黃白黑在右 以上龍犀 龍君虎君旗  
五分左右 赤豹黃熊旗各五分左右 小黃龍旗一  
在左 天馬旗一在右 吏兵力士旗各五分左右  
天王旗四分左右 太歲旗十二分左右 天馬旗六

分左右 排闌旗六十分左右 左右旛斨各五行行  
七十五 大黃龍旗二分左右 大神旗六分左右以上

六軍

宮中導從之制唐以前無聞焉五代漢乾祐中始置主  
輦十六人 捧足一人 掌扇四人 持踏床一人並  
服文綾袍 銀葉弓脚幞頭尚宮一人 寶省一人  
高鬢紫衣書省二人 紫衣弓脚幞頭新婦二人 高  
鬢青袍大將二人 紫衣弓脚幞頭童子執紅絲拂二  
人 高鬢髻青衣執犀盤二人 帶鬚頭黃衫執翟尾  
二人 帶鬚頭黃衫雞冠二人 紫衣執香爐香盤分

分左右以次奉引宋太平興國初增主輦二十四人改  
服高脚幞頭一輦頭一人衣紫綉袍持金塗銀杖以督  
領之捧真珠七寶翠毛華樹二人衣緋袍捧金寶山二  
人衣綠繡袍捧龍腦榼二人衣緋銷金袍並高脚幞頭  
執拂翟四人鬚頭衣黃繡袍舊衣綾袍紫衣者悉易以  
銷金及繡復增司簿一人內省一人司儀一人司給一  
人皆分左右前導凡一十七行每冬正脚殿祀郊廟步  
輦出入至長春殿卽用之其乘輦則屈右足垂左足而  
憑几蓋唐制也真宗時又加四面內官周衛

八月朔上御崇元殿行入閣儀置待制候對官賜廊下

食

入閣唐制起於天寶明皇以無爲守成詔宴朝喚仗百官從容至閣門入蓋唐前含元殿非正至大朝會不御次宣政殿謂之正衙每坐朝必立仗於正衙或御紫宸殿卽喚正衙仗自宣政殿兩門入是謂東西上閣門故謂之入閣其後遂爲常朝之儀自五代以來旣廢正衙立仗而入閣亦希闕不講至是復行之然御前殿非唐舊制矣崇元殿卽大慶殿前殿也待制候對者亦唐制也每正衙置待制官兩員正衙退後又令六品以下官於延英候對皆所以備顧問具

後每入閣卽有待制次對官後唐天成中廢至是復行之廊下食起唐貞觀其後常參官每日朝退賜食謂之廊餐唐末浸廢但於入閣起居日賜食今循其制

三年三月詔內殿起居日令百官以次轉對限三人爲定其封章於閣門通進復鞠躬自奏宣徽使承旨宣答拜舞而出

乾德三年冬至受朝賀於文明殿皆服通天冠絳紗袍設宮懸仗衛如元會

四年冬至朝元殿受朝畢常服御大明殿羣臣上壽始

用雅樂登歌二舞羣臣酒五行而罷每行酒太官令奏  
巡周饋食稱食福

六年九月始以旬假日御講武殿近臣但赴早參

宰相以下

皆具靴笏諸司使以下悉係鞵

其節假及太祠並如令式處分

開寶九年旬休日不視事太宗卽位旬休日復視事  
講武殿其後又詔自今內外百司除舊制給假外每  
月旬假上巳社重午重陽並休務一日三司開封府  
事關急速不在此限遇初寒盛暑大雨雷雪當議放  
朝

太宗淳化三年正月朔服袞冕御朝元殿受朝賀禮畢

改通天冠絳紗袍升座受羣臣等上壽

帝卽位以來每朝賀畢退御大明殿常服上壽奏教  
坊樂至是始命有司約開元禮定上壽儀皆以法服  
行禮設宮懸萬舞酒三行而罷復舊制也又取嗣位  
以來祥瑞作祥麟丹鳳白龜河清瑞麥五曲用之

是歲令有司復舉十五條一朝堂行私禮二跪拜三待  
漏行立失序四談笑喧譁五入正衙門執笏不端六行  
立遲緩七至班列行立不正八趨拜失儀九言語微喧  
十穿班仗十一閣門不卽就班十二無故離位十三廊  
下食行坐失儀語喧十四不從正衙門出入十五非公

事入中書犯者罰一月俸有司振舉拒不伏者錄奏乞行貶降其後每罰減半

仁宗天聖四年帝詔輔臣曰朕欲元日率百官先上太后壽然後御天安殿可令禮院草具其儀太后曰豈可爲吾故後元會禮哉宰相王曾因言陛下以孝奉母儀太后以謙全國體請如太后命不聽詔中書門下具儀注

正月壬寅朔曉漏未盡三刻百官常服與契丹使班會慶殿廷內侍請皇太后出殿後幄鳴鞭升座又自殿後皇帝幄贊引皇帝服靴袍於簾內皇太后北向

褥位再拜跪稱臣名言元正啓祚萬物惟新伏惟尊號皇太后陛下膺時納祐與天同休內常侍承旨答曰履新之祐與皇帝同之帝再拜詣皇太后御座稍東內給事酌御酒盞授內謁者監進皇帝執盞盤前跪進訖以盤興內謁者監承接皇帝却就褥位跪奏曰臣名稽首言元正令節不勝大慶謹上千萬歲壽再拜內常侍宣答曰恭舉皇帝壽酒皇帝再拜執盤侍立教坊樂止皇帝受虛盞還幄通事舍人引百官橫行典儀贊再拜舞蹈起居太尉升自西階稱賀簾外降還位皆再拜舞蹈侍中承旨曰有制皆再拜宣

文獻通考卷一百一十五  
三十一  
曰履新之吉與公等同之再拜舞蹈閣門使簾外奏  
宰臣某以下進壽酒皆再拜太尉升自東階翰林使  
酌御酒盞授太尉執盞盤跪進簾外內謁者監跪接  
以進太尉跪奏曰元正令節臣等不勝慶忭謹上千  
萬歲壽降還位皆再拜宣徽使承旨曰舉公等觴皆  
再拜分班序立太尉升立簾外樂止內謁者監出簾  
授虛盞太尉降階橫行皆再拜舞蹈宣徽使承旨宣  
羣臣升殿再拜乃升及東西廂坐酒三行侍中奏禮  
畢樞密使已下迎乘輿於長春殿起止稱賀百官就  
朝堂易朝服班天安殿皇帝袞冕受朝禮官通事舍

人引中書令門下侍郎各於案取所奏文詣褥位脫  
劔舄以次升分東西立諸方鎮表祥瑞案並先置殿  
門外左右令史絳衣對舉給事押祥瑞中書侍郎押  
表案入分詣東西階下對立既賀更服承天冠絳紗  
袍稱觴上壽止舉四爵乘輿還內恭謝太后如常禮  
英宗治平四年詔御史臺每遇起居日令百僚轉對御  
史臺請依閣門儀制諭兩省及文班秩高者二員於百  
官起居日轉對若兩省官有充學士待制則綴樞密班  
起居內朝臣僚不與詔從之又詔遇轉對日增二員

文獻通考卷第一百七

文獻通考卷第一百八

鄱陽馬端臨貴與著

王禮考三  
朝儀

神宗初卽位御史中丞王陶奏劾宰相韓琦不押常朝班陶坐黜知陳州

陶疏略曰忽千官瞻視之庭茂如房闔艱再拜表儀之禮重若邱山琦與曾公亮皆待罪故事朝廷以宰相日奏事垂拱退詣文德殿押常朝班或已過辰正緣中書聚廳見客有急速公事商量若必須輪宰臣



赴文德殿押班必於常朝事務太有妨滯故御史臺放班行之數十年非始於琦等陶以論事不行疑琦沮之故以此劾琦上不直陶黜之

熙寧元年詔自今授外任者許令轉訖朝辭

二年監察御史裏行張戩程顥言每欲奏事必俟朝旨或朝政有闕及聞外事而機速後時則已無所及况往復待報必由中書萬一事干政府則或致沮格請依諫官例牒閣門求對或有急奏卽許越次登對庶幾遇事入告毋憂失時詔依所請

三年知制誥宋敏求等言文德殿入閣儀制考之國朝

會要與今儀制所載頗或異同按今文德殿唐宣政殿也紫宸殿唐紫宸殿也然祖宗朝皆嘗御文德殿入閣唐制常設仗衛於宣政殿或遇上坐紫宸卽喚仗入閣如此則當御紫宸殿入閣方協舊制請下兩制及太常禮院詳定詔學士院議翰林學士承旨王珪等言按入閣者乃唐隻日紫宸殿受常朝之儀也唐宣政殿卽今文德殿唐紫宸殿今紫宸殿也唐制天子坐朝必立仗於正衙若止御紫宸卽喚正衙仗自宣政殿東西閣門入故爲入閣五代以來遂廢正衙立仗之制今閣門所載入閣儀者止是唐常朝之儀非爲盛禮不可遵行從

之自是入閣之禮遂罷之敏求又言本朝以來惟入閣  
乃御文德殿視朝今既不用入閣儀卽文德殿遂闕視  
朝之禮請下兩制及太常禮院約唐制御宣政殿裁定  
朔望御殿儀以備正衙視朝之制詔學士院詳定儀注  
學士韓維等以入閣圖增損裁定上儀曰朔日不值  
假前五日閣門關諸司排辦前一日有司供帳於文  
德殿其日左右金吾將軍常押本衛仗判殿中省官  
押細仗先入殿庭東西對列文武官等分東西序立  
諸軍將校分入北向立朝堂引贊官引彈奏御史二  
員入殿門踏道當下殿北向立次催文武班分入並

東西相向對立諸軍將校卽於殿庭北向立班

其班次並

御史臺

皇帝服靴袍垂拱殿坐鳴鞭內侍閣門管軍

祇應

依朔望常例起居次引樞密宣徽使三司使副樞密  
直學士內客省使以下至醫官待詔及修起居注官  
二員並大起居皇帝乘輦至文德殿後閣門奏班齊  
皇帝自後閣出殿上索扇升榻鳴鞭扇開簾捲儀鸞  
使焚香喝文武官就位四拜起居雞人唱時舍人於  
彈奏御史班前西向喝大起居御史由文武班後至  
對立位次引左右金吾將軍合班於宣制石南大起  
居班首出班躬奏軍國內外平安歸位再拜各歸東

西押仗位通喝舍人於宣制石南北向對立舍人退  
 於西階次揖宰臣親王以下躬奏文武百僚宰臣某  
 姓名以下起居分引宰臣以下橫行諸軍將校仍舊  
 立閣門使喝大起居舍人引宰臣至儀石北俛伏跪  
 致詞祝曰訖其詞曰文武百僚宰臣全銜臣某姓名  
 等言孟春之吉伏惟皇帝陛下膺受時  
 祉與天無窮臣等無  
 任歡呼忭蹈之至歸位五拜閣門使揖中書由東  
 階升殿樞密使帶平章事以上由西階升殿侍立並  
 依

圖給事中一員以知門下封  
 駁事官充歸左省位立轉對立於

給事中之南如罷轉對官每遇御史臺前期牒請文  
 官二員並依轉對官例先於閣門投進

奏吏部侍郎及刑法官立於轉對官之南兵部侍郎

於右省班南與吏部侍郎東西相向立定搢笏各出

班籍置笏上吏部兵部侍郎以知審官東西院官  
 充刑法官以知審刑大理寺官充親

王使相以下分班出引轉對官於宣制石南宣徽使

殿上承旨宣荅如儀次吏部兵部侍郎及刑法官對

揖出見謝辭班  
 自從別儀次彈奏御史無彈奏對揖出如有彈  
 奏並如

儀引給事中至宣制石南揖躬奏殿中無事喝祇候

揖西出次引修起居注官次立排立供奉官以下各

合班於宣制石南躬喝祇候揖分班出喝文武官等

門外祇候出索扇垂簾皇帝降座鳴鞭舍人當殿承

旨放仗四色官殿鞞急趨至宣制石南稱奉勅放仗

金吾將軍并判殿中省官對拜訖隨仗出親王使相節度使至刺史學士臺省官文武百僚諸軍將校等並序班朝堂謝賜茶酒皇帝御垂拱殿座中書樞密及請對官奏事不引見謝辭班後殿座臨時取旨其日遇有德音制書御札仍候退御垂拱殿座制箱出外應正衙見謝辭文武臣僚並依御史臺儀制喚班依序分入於文武班後以北爲首分東西相向重行異位依見謝辭班序位餘押班臣僚於班稍前押班候刑法官對揖出分引近前揖躬舍人當殿宣班引轉對班見謝辭並如紫宸殿儀樞密使不帶平章事

叅知政事至同簽書樞密院事宣徽使並立於宣制

石稍北宰臣親王樞密帶平章事使相繫押班者立

於儀石南

餘官並立於宣制石南並合贊喝閣門使

引並如儀贊喝訖係

中書樞密並揖升殿謝辭揖西出其合問聖體者並

如儀餘官分班出

彈奏御史候見謝辭班絕對揖出其朝見如謝都城門外御筵及詔

赴闕謝茶藥撫問之類不可合班者各依別班中謝對賜酒食等並門賜其係正衙見門謝辭亦門外喝放應正衙見謝辭臣僚前一日於閣門投詣正衙傍

子閣門下奏日又投正衙狀於御史臺四方館應朔

日或得旨罷文德殿視朝止御紫宸殿起居其已上

奏目正衙見謝辭班並放免依官品隨赴紫宸殿引

或值改依常朝文德殿自有百官班日並如舊儀應外國蕃客見辭候喚班先引赴殿庭東邊依本國職次重行異位立候見謝辭班絕西向躬舍人當殿通班轉於宣制石南北向立贊喝如儀西出其酒食分物並門賜如有進奉候彈奏御史出入進奉入惟御馬及擔床自殿西偏門入東偏門出其進奉出入文武官起居舍人通某國進奉宣徽使喝進奉出節次如紫宸殿儀式候進奉出給事中奏殿中無事出其後殿再坐合引出者從別儀其日賜茶酒宰臣樞密於閣子親王於本廳使相宣徽使觀文殿大學士至寶文閣直學士兩省官待制三司副使文武百官皇親使相以

下至率府副率及四廂都指揮使以下至副都頭並

於朝堂

如朝堂位次不足卽於朝堂門外序次

管軍節度使至四廂都

指揮使節度使兩使留後至刺史並於客省廳詔依

所定

合班圖載卷末

元豐元年詔右諫議大夫宋敏求權御史中丞蔡確樞密副使承旨張誠一直舍院同判太常寺李清臣詳定正旦御殿儀注敏求等遂上朝會儀二篇令式四十卷詔頒行

元正冬至大朝會儀注

前期有司設御座於大慶殿東西房於御座之左右少

北東西閣於殿後百官宗室客使次於朝堂之內外五  
輅先陳於庭兵部設黃麾仗於殿之內外太樂令展宮  
架之樂於橫街南鼓吹令分置十二案於宮架外協律  
郎二人一位於殿上西階之前楹一位於宮架西北俱  
東向陳輿輦御馬於龍墀繖扇於沙墀貢物於宮架之  
南東西相向餘則列於大慶門之外冬至不設貢物扶侍執事  
侍立官及諸司使副立於左右樞密院諸房副承旨承  
制以下立於殿下東西相向重行異位北上典儀設三  
師三公侍中中書令左右僕射開府儀同三司位於丹  
墀香案之南少東次尚書左丞位於其後皆面北西上

親王位於香案之南少西北面東上

上壽則知同知樞密院事位於親王

後門下侍郎位於其東次左散騎常侍次給事中左諫

議大夫次左司諫正言皆重行位於其後觀文資政殿  
大學士學士端明殿學士位於次南並西南北上中書  
侍郎位於其西次右散騎常侍次中書舍人右諫議大  
夫次右司諫正言皆重行位於其後翰林學士承旨至  
寶文閣學士位於次南次樞密直學士以下次待制皆  
重行位於其後並東面北上起居郎舍人夾香案東西  
相向契丹使位於龍墀上少西北面東上宗姓節度使  
以下至率府副率位於橫街南分東西相對班各重行

異位北上左右巡使位於次南東西相向宮架前少東則特進以下至未升朝官班各重行異位北面西上夏國使在宮架之東軍員位於其後夏國人從次之宮架前少西則御史臺班節度以下又位於西並重行北面東上皆視特進退一列外高麗國使在宮架之西軍員位於其後高麗人從次之諸蕃客位於次西陪位進奏官位於宮架之南諸道貢舉解首位於其後皆北面而設敘班位於大慶門外東西相對以北爲上中書侍郎諸方鎮表案於右給事中祥瑞案於左

冬至不設給事中位祥瑞案下

同其日闕大慶門列黃麾仗張旗幟羣官宗室使各服

其服以俟太樂令帥樂工入太常卿立於宮架前協律郎就舉麾位中書侍郎以諸方鎮表給事中祥瑞案令令史對舉侍衛官各就列輦出至西閣降輦符寶郎奉寶俱詣閣奉迎有司引祕書監以下次御史知雜以下次宗姓及外任防禦使以下就位侍中版奏中嚴復位少頃奏外辦閣簾捲殿上鳴蹕太樂令令撞黃鐘之鐘右五鐘皆應內侍承旨索扇扇合皇帝服通天冠絳紗袍御輿出西閣協律郎俛伏舉麾與奏乾安之樂鼓吹振作皇帝出自西房降輿卽御座南向扇開殿下鳴蹕協律郎偃麾戛敵樂止鑪烟升符寶郎奉寶置御座

前尚書左右丞以上門下中書省官及待制以上至大學士正議大夫以上御史中丞以上宗姓及外正任觀察使以上契丹使班分東西各以次入奏正安之樂就位樂止中書侍郎押表案入詣西階下東向立給事中押祥瑞案入詣東階下西向立押樂官歸本班起居畢復案位三師以下至尚書左右丞親王以下至百官及御史臺官外正任契丹使俱就北向位贊者曰拜在位者皆再拜舞蹈三稱萬歲再拜訖又再拜太尉將升中書令門下侍郎俱降至兩階下立冬至門下侍郎不奏下同太尉詣西階下行則樂作至位樂止升階中書令門下侍郎各

於案取所奏以次升中書令取方鎮官最高一表分東西立太尉詣御座前北向俛伏跪奏文武百僚太尉具官臣某等言元正起祚萬物咸新冬至云晷運推移日南長至伏惟

皇帝陛下膺乾納祐與天同休俛伏興降階侍中詣東階升殿立俟太尉還位贊者曰拜在位者皆再拜舞蹈三稱萬歲再拜引侍中進當御座前承旨退臨階西向稱有制贊者曰拜在位皆再拜宣曰履新之慶冬至云履長之慶

與公等同之贊者曰拜在位者皆再拜舞蹈三稱萬歲再拜侍中少退引北向班各分東西序立中書令進當御座前北向俛伏跪奏中書令具官臣某奏諸方鎮



表搢笏讀訖執笏俛伏興少退東向立門下侍郎詣御座前奏祥瑞如諸方鎮表儀奏畢置所奏於案南中書侍郎給事中俱還本班案退戶部尚書詣橫街南承制位俛伏跪奏具官某言諸州貢物請付所司俛伏興侍中前承旨退西向日制可侍中少退舍人曰拜戶部尚書再拜還本班次引禮部尚書就位俛伏跪奏具官臣某言諸蕃貢物請付所司俛伏興侍中前承旨退西向日制可侍中少退舍人曰拜禮部尚書再拜還本班冬不奏祥瑞貢物太史令就位俛伏跪奏具官臣某年某月日雲物祥瑞請付史館俛伏興侍中前承旨退西向日制可

侍中少退舍人曰拜太史令再拜還本班侍中進當御座前俛伏跪奏侍中具官臣某言禮畢俛伏興還位內侍承旨索扇扇合殿下鳴蹕太樂令令撞蕤賓之鐘左五鐘皆應協律郎跪俛伏舉麾興太樂令令奏乾安之樂鼓吹振作皇帝降座御輿入自東房還東閣扇開偃麾戛敔樂止侍中奏解嚴百官退還次有司設食案太樂令設登歌於殿上二舞入架於架南預坐當升殿者位於御座之前文武相向異位重行以北爲上非升殿者位於東西廊下尚食奉御設壽奠於殿上之東楹少南南向設坫於尊南加爵一尊奠酒爵以金玉器充有司設上下

羣官酒尊於殿下東西廂侍衛官及執事者各立於其  
位百官入就位侍中版奏中嚴復位少頃奏外辦閣簾  
捲殿上鳴蹕太樂令令撞黃鐘之鐘右五鐘皆應內侍  
承旨索扇扇合皇帝服通天冠絳紗袍御輿出東閣協  
律郎俛伏舉麾興奏乾安之樂鼓吹振作皇帝出自東  
房降輿卽御座南向扇開殿下鳴蹕協律郎偃麾戛鼓  
樂止爐烟升三師以下至尚書左右丞親王以下至同  
知樞密院事及百官御史臺官外正任契丹使俱就北  
向位贊者曰拜在位者皆再拜三稱萬歲北向班分東  
西立光祿卿詣橫街南北向俛伏跪奏具官臣某言請

允羣臣上壽俛伏興侍中詣東階升進御座前承旨臨  
退階西向日制可侍中少退舍人曰拜光祿卿再拜訖  
復位三師以下就北向位贊者曰拜在位者皆再拜三  
稱萬歲太尉自東階升詣酒尊所北向尚食奉御酌酒  
一爵授太尉太尉搯笏執爵詣御座前跪進皇帝執爵  
太尉執笏俛伏興少退當御座前俛伏跪奏文武百官  
太尉具官臣某等稽首言元正首祚冬至云天  
正長至臣等不  
勝大慶謹上千萬歲壽俛伏興退降階復位贊者曰拜  
在位者皆再拜三稱萬歲侍中承旨退臨階西向宣曰  
舉公等觴贊者曰拜在位者皆再拜三稱萬歲北向班

分東西序位太尉自東階升侍立皇帝舉第一爵作和安之樂飲訖樂止太尉受虛爵復於坳降階三師以下復北向位贊者曰拜在位皆再拜舞蹈三稱萬歲又再拜侍中自東階升進御座前俛伏跪奏侍中具官臣某言請延公王等升殿俛伏興降階復位侍中承旨退稱有制贊者曰拜在位者皆再拜宣曰延公王等升殿贊者曰拜在位者皆再拜舞蹈三稱萬歲再拜公王等詣東西階升於席後立尚食奉御進酒殿中監省酒以進皇帝第二爵升殿羣官就橫行位舍人曰各賜酒贊者曰拜上下羣官皆再拜三稱萬歲舍人曰就坐太官令

行酒羣官搢笏受觶作正安之樂文舞入立宮架北觴行一周太官奏樂止尚食奉御進食置御座前又詔羣官食太官令奏作盛德升聞之舞曲舞作三成止出殿中監進皇帝第三爵酒羣官立於席後登歌作嘉禾之曲飲訖樂止殿中監受虛爵舍人就坐羣官皆坐太官令行酒作正安之樂武舞進觴又行一周樂止尚食奉御進食置御座前又設羣官食太官令奏酒周巡食遍如前儀作天下大定之舞曲舞作三成止出殿中監進皇帝第四爵酒登歌作靈芝之曲其禮如第三爵太官令行酒如第二爵又一周樂止舍人曰可起百僚立於

席後侍中進當御座前俛伏跪奏侍中具官臣某言禮畢俛伏與羣官俱降復位贊者曰拜羣官皆再拜舞蹈三稱萬歲再拜起分東西序立內侍承旨索扇扇合殿下鳴蹕太樂令令撞蕤賓之鐘左五鐘皆應協律郎跪俛伏舉麾與太樂令令奏乾安之樂鼓吹振作皇帝降座御輿入自東房還閤扇開戛敵樂止侍中奏解嚴有司承旨放仗羣官再拜乃退

宋敏求又言考工記天子執冒四寸以朝諸侯未有臨臣子而執鎮圭唐六典元正冬至大朝會止有進爵之禮開寶通禮始著元會執圭出自西房淳化中

又以上壽進酒以內侍捧圭臣等遠稽周制近考唐禮皆爲未合其元會受朝賀請不執鎮圭上壽准此

宋朝正冬行大朝會禮

立班圖四  
載卷末

太祖十一

建隆二年乾德四年五年六年開寶九年並元會

乾德三年四年五年開寶二年三年並冬會 建隆二年五月受朝

太宗十一

太平興國五年六年八年雍熙三年淳化元年三年並元會 太平興國二年端拱元年淳化四年並冬

會 太平興國三年九年並五月受朝

真宗八

咸平五年景德元年四年大中祥符六年並元會

咸平三年景德四年大中祥符八年並冬會 咸平

四年五月受朝

仁宗十

天聖五年慶歷元年三年七年皇祐五年嘉祐元年

七年並元會 天聖七年明道元年冬會 天聖八

年五月受朝

神宗三

熙寧五年元豐六年並元會 熙寧二年冬會

哲宗三

元祐五年紹聖三年並元會 元符元年五月受朝

徽宗四

大觀二年政和八年宣和六年並元會 政和二年

冬會

三年九月引進使李端慤言近朔望御文德殿視朝初  
寒盛暑數煩清蹕而紫宸之朝歲中罕御請朔日御文  
德既望坐紫宸庶幾正衙內殿朝儀並舉從之十一月  
侍御史知雜事滿中行言文德正衙之制尚存常朝之

虛名襲橫行之謬例有司失於申請未能釐正兩省臺官文武百官赴文德殿東西相向對立宰臣一員押班聞傳不坐則再拜而退謂之常朝遇休假併三日以上應內殿起居官畢集謂之橫行自宰臣親王以下應見謝辭者皆先赴文德殿謂之過正衙然在京釐務之官例以別勅免參宰臣押班近年已罷而武班諸衛本朝又不常置故今之赴常朝者獨御史臺官與審官待次階官而已今垂拱內殿宰臣以下既已日參而文德常朝仍復不廢舛謬倒置莫此爲甚至於橫行參假與夫見謝辭官先過正衙雖沿唐之故事然必俟天子御殿

之日行之可也

入一圖  
在後

哲宗卽位禮部言冬至正旦在諒闇當罷朝賀欲令羣臣於東上閣門內東門表賀從之

元祐七年五月吏部尚書王存言自今文德殿侍朝特免侍從官轉對專責以朝夕論思之效於體爲得從之紹聖四年臣僚言文德殿侍朝輪官轉對蓋襲唐制其來久矣祖宗以來每遇轉對侍從之臣皆預元祐臣僚請免侍從轉對續詔執事官權侍郎以上並免自此轉對止於卿監郎官而已請自今視朝轉對依元豐以前條制從之

元符元年令諸路監司朝辭日令閣門取旨上殿

徽宗重和元年臣僚言比年以來二三大臣奏對留身  
讒疏善良請求相繼甚非朝廷至公之體詔自今惟蔡  
京五日一朝許留身餘非除拜遷秩因謝及陳乞罷免  
並不許獨班奏事令閣門報御史臺彈劾

政和七年明堂成聽朝頒常視朔禮制局列上明堂七  
議見明  
堂門

宣和四年臣僚言祖宗舊制有五日日一轉對者今惟月  
朔行之有許朝官轉對者今唯待制以上預焉比年以  
來緣明堂行視朝之禮歲不過一再而已則是畢歲而

論思者無幾矣請過不視朔卽令具章投進以備乙夜  
之觀從之

高宗紹興十二年十月臣僚言正旦一歲之首冬至一  
陽之復聖人重之制爲朝賀之禮上世以來未之有改  
主上臨御十有六年正至朝賀初未嘗講豈艱難之際  
不遑暇歟茲者太母還宮國家大慶四方來賀亶維其  
時欲望自今冬至元正舉行朝賀之禮以明天子之尊  
庶幾舊典不至廢墜

建炎之初鑾輿南幸庶事未備而朝會之儀未暇舉  
焉正至但循例宰臣率文武百官拜表稱賀而已紹

興改元以道君皇帝淵聖皇帝北狩權宜皇帝躬率百僚遙拜畢次御常御殿朝參官起居至是臣僚建言詔命有司舉行之

臣僚又奏乞明詔有司講求祖宗故實常朝視朝正衙便殿朝會之儀舉而行之以隆帝業用稱萬邦百辟尊君之心天下幸甚詔令禮部太常寺閣門同共討論尋討論在京月朔日文德殿視朝紫宸殿日參望參垂拱殿日參四參假日崇政殿坐聖節垂拱殿上壽今乞先次宰臣率百僚拜表奏請皇帝御正殿視朝若降指揮許允其合行事務續令逐處條具申

請詔從之十一月三日權禮部侍郎王賞等言契勘朝會之制正旦冬至及慶賀受朝係御大慶殿其文德紫宸垂拱殿禮制不同月朔視朝則御文德殿謂之前殿正衙仍設黃麾半仗其餘紫宸垂拱皆係側殿不設儀仗今來已降指揮依臣僚所請乞降朝會之儀緣元正在近大慶殿之禮事務至多欲乞先舉行文德殿視朝之制其朝會合服朝服并設樂上壽間飲三周設祥瑞表案等並乞候來年冬至前別行取旨詔依從之

十三年閣門言依在京遇大禮年分冬至大朝會及次



年正旦朝會權罷

十四年九月有司言來年正旦大朝會請權以文德殿合設黃麾大仗五千二十七人欲權減三分之一合設八寶於御座之東西登歌宮架樂舞五輅輿輦法物織扇及諸州諸蕃貢物行在致仕官諸路貢士舉人在京先生法師左右街道官等並令趁赴立班合差太史令一員奏雲物祥瑞詔從之

建炎以來朝野雜記大朝會者紹興十二年十月詔來歲舉行之王望之爲禮部侍郎言排辦不及請自來年冬至旣而不果十五年正月朔旦乃克行用黃

仗三千三百五十人視東都舊儀損三之一時無大慶殿遂權於崇政殿行之以殿狹輦出房不鳴鞭他如故事是日設宮架樂百官朝服上壽如儀自是一行而止

紹興三十二年九月

時孝宗已卽位

閣門言太上皇帝巡幸以

來上御後殿繼朝廷復興舊典於紹興十三年二月四日初御前殿特令四參官起居伏自皇帝登寶位止係後殿日分今已降旨九月十二日初御前殿欲乞是日皇帝御垂拱殿四參官起居從之

隆興二年九月閣門言在京及行在舊例御前殿日分

值雨雪及泥濘得旨放朝參郎改後殿坐今後乞依例取旨從之

建炎以來朝野雜記舊羣臣朝殿遇雨開隔門起居紹興中申行之又詔從駕遇雨賜雨具景靈宮遇雨或地濕分東西廂立班皆特恩也

乾道七年四月詔為暑熱依年例自五月十三日並後殿坐并放見謝辭及參假官候秋涼日取旨今後准此

### 合班圖

行禮即綴倍加  
除上諸號諸處

京官

宣徽南院使在北院使之上

宣徽北院使在參政副使同知院事之上餘並以先後為次序至副都頭  
廂部指揮使以下

僉書同僉書

宣徽使

同知樞密院事

樞密副使

參知政事

知樞密院事

左正言  
左司諫

起居郎  
左議大夫

給事中  
左議大夫

右議大夫  
右議大夫

御史大夫  
御史中丞

常侍立

次散騎

殿中侍御史

殿中侍御史

御史中丞

防禦團練

監察侍御史

殿中侍御史

侍御史

御史中丞

刺史

防禦團練使

觀察使

兩使留後

射以下

書以下

丞以下

中以下

郎以下

宰相樞密使

殿

乾隆十二年校刊

文獻通考卷三百一 王禮三

七

親王

觀文殿  
大學士

三司使

中書侍郎

鹽鐵使

二品諸衛 三品大將

四品率府

五品郎

觀文殿學士

右散騎常侍

度支副使

上將軍以下 軍以下

率以下

將以下

資政殿學士

右諫議大夫

戶部副使

廂都指揮使以下

至副都頭

翰林學士承旨

中書舍人

知制誥

龍圖閣直學士

天章閣直學士

寶文閣直學士

翰林學士

龍圖閣待制

天章閣待制

寶文閣直學士

延福宮使

景福殿使

天章閣學士

宣慶使

四方館使

宣政使

東西兩門使

樞密都承旨

樞密直學士

節度使

內客省使

留後觀察使

如特恩令綴

節度使即於

節度使

此立如無旨

即附本品仍

立在同官之

前

樞密承旨

樞密副承旨

樞密諸房副承旨

樞密逐房副承旨

客省副使以下

通事舍人

閣門祇候

翰林醫官

翰林待詔

翰林天文

直翰林醫官院

如帶升朝官

本班立

文獻通考卷三百八

王禮三

# 朔日視朝儀注圖

拱立供奉官

文武官五十人

左金吾衛將軍

左金吾細仗

引駕官一名

忍官六名

帶金甲武官三名

判殿中省官

排列官一名

扇一柄

方徽一柄

扇一柄

以上殿中覆

碧闌十二名執儀刀

兵部隊仗

排列職長名

押隊員僮人

黃麾幡八口

告止幡八口

傳教幡八口

信幡八口

龍纓五十條

戟五十條

係金吾仗

左金吾細仗

青龍旗一口

東岳旗一口

赤龍旗一口

南岳旗一口

金龍旗一口

中岳旗一口

黃龍旗一口

西岳旗一口

黑龍旗一口

北岳旗一口

青龍旗一口

御馬五疋

乾隆十二年校刊

文獻通考卷三百八

王禮三

殿 香案儀石

宣制石 文德殿門

朝堂門

兵部侍郎

御馬五疋  
金鳳旗一口  
金星旗一口  
赤鳳旗一口  
火星旗一口  
黃鳳旗一口  
土星旗一口  
青鳳旗一口  
木星旗一口  
黑鳳旗一口  
水星旗一口  
白虎旗一口  
石金吾細仗

右金吾衛將軍

以上殿中省細仗

右金吾細仗

帶金甲天武二名  
四色官人各帶儀劔  
引駕官一名

殿中省  
排列官一名

扇一柄  
方繳二柄  
扇一柄

兵部儀仗

排列職掌名

押隊員僚人  
葛纓幡八口  
告止幡八口

傳教幡八口  
信幡八口

戟五十條  
龍纓五十條

碧闌十二各執儀刀

右二圖見元豐間畢仲衍所進中書備對後圖同

正冬大慶殿朝會立班圖

知雜御史  
侍御史

御史中丞  
如缺大夫  
印中丞次  
散騎常侍

御史大夫  
門下侍郎  
臺騎常侍  
給事中  
左諫議  
起居郎  
左司諫  
左正言

參知政事

起居郎  
宰相  
使相

節度使

左金吾衛上將軍  
左金吾衛大將軍  
左金吾衛將軍  
左金吾衛將軍

觀察留後以下 五品郎中以下 左郎中以下 右監禦

左巡使

一品太師以下 二品僕射以下 三品尚書以下 四品左右丞以下

文班

殿

香案

丹墀

龍墀

沙墀

大慶殿門

親王

龍圖閣直學士  
樞密直學士  
龍圖閣學士  
侍讀學士  
侍講學士  
資政殿學士  
翰林學士  
資政殿學士  
文明殿學士

節度使

觀察使  
兩使留後

武班

右金吾衛大將軍  
右金吾衛將軍  
右金吾衛將軍  
右金吾衛將軍

右巡使

四品率府率以下

三品諸衛大將軍以下

右正言  
右司諫  
起居舍人  
待制  
中書舍人  
右諫議  
右散騎常侍  
中書侍郎

殿中侍御史

兩使留後至團練使如特  
恩令綴節度使即於此處  
立如無旨即歸本品仍立  
在同官之前

### 大慶殿再坐上壽立班圖

知雜御史  
侍御史

御史中丞  
如關大夫  
立散騎常侍

御史大夫  
門下侍郎  
左散騎常侍  
給事中  
左諫議大夫  
起居郎  
左司諫  
左正言

參知政事

宰臣  
使相

管慶使

文班

御監七品外  
六品中  
五品下  
四品下  
三品下  
二品下  
一品下

殿香案

丹墀

龍墀

沙墀

親王

武班

文明殿學士

資政殿學士

翰林學士

資政殿學士

侍講學士

侍讀學士

龍圖閣學士

樞密直學士

龍圖閣直學士

節度使

兩使留後

觀察使

防禦團練使

契丹大使

管伴副使

契丹副使

三品軍以下 三品軍以下 諸衛大將 四品以下 五品將以下 金吾衛部

中書侍郎 殿中侍御史

右散騎常侍

右諫議大夫

中書舍人

待制

起居舍人

右司諫

右正言

戶部副使

度支副使

鹽鐵副使

正冬御殿朝賀上壽垂拱殿樞密以下稱賀班圖

內殿承制供奉官以下

皇城副使以下

皇城使以下

禮部官使以下

宣卷閣門使 此二位起居 退後於此立

乾隆十二年校刊

內殿省使

客省使以下

客省副使以下

通事舍人

翰林醫官以下

文獻通考卷三百八

王禮三

三

宰臣 參知政事 使相 太子師

左右僕射 李三少 廂主  
觀文殿學士 右侍書 軍主  
觀文殿學士 左侍書 侍  
資政殿學士 賓客 禮儀  
翰林學士 太常寺 祭酒 卿  
承旨學士 少卿 殿中監 秘書少監 寺少卿  
資政殿學士 左右丞 詹事司 王傅 監  
特讀侍講 六行侍郎 司  
龍圖天章 給事中 少四 少司 業  
寶文閣學士 左右議 家諭 少四 少司 業  
樞密院學士 中書舍人 李更 令 監  
龍圖天章寶 龍圖天章 寶文待制 吳少 監  
文閣學士 寶文待制

御史大夫

御史中丞 廊下

殿中侍御史 國子五博  
左右司諫 四赤 舍  
諸行員外郎 太常宗正  
左右正言 祕書丞  
監察御史 著作郎  
太常博士 殿中丞  
五府少尹 六尚奉御  
大理正  
中允贊善  
中允洗馬  
司天五官正  
館閣京官  
學士院待詔

朵殿

祕書監 左右庶 太常宗 卿 祭酒 殿中監 詹事司 王傅 監

起居 起慶 起慶 雜 侍御 諸行 郎 諸行 郎 候虞都軍諸

指揮使 副指揮

紫宸殿上壽賜酒圖

殿 儀石

樞密使

知樞密院事

樞密副使

同知樞密院事

宣徽使

僉書同僉書樞密院事

三司使

樞密都承旨

樞密承旨

樞密副都承旨

翰林天文書

基待詔以下

宣徽使 同知樞密院事 樞密副使 樞密使

御座

通事舍人侍立  
通事舍人侍立

客省使以下侍立 樞密 宣徽 三司使內客省使 應遇宴會侍上並初升

時於 御座之左稍南向西侍立羣臣升殿即移近北向南侍立羣臣下殿即復歸初侍立位

親王 節度使 軍主 廂主

諸衛上將軍 大統軍 左右衛上將軍 金吾上將軍 諸衛大將軍 金吾大將軍 諸衛將軍

廊下

都 虞 疾  
進奉衛內指揮使  
諸蕃進奉使

進奉押衛軍將  
都 副 兵 馬 使  
軍 頭 頭

諸軍都虞候

中郎將 副將 率府率 諸衛將軍

朵殿

文德殿常朝立班圖

知雜御史  
侍御史  
監察御史

左司員外郎  
諸行員外  
太常博士

兩省侍郎  
左右常侍  
給事中  
左右議  
中書舍人  
起居郎  
起居舍人  
正言  
左右司中  
諸行郎中  
國子博士  
五經博士  
都水  
宗正丞  
宗正令  
中丞  
著作郎  
中丞  
尚奉御  
太子中允  
太子中舍  
太子洗馬  
王府友  
王府諮議  
司正  
宣正

左巡使 鼓樓

御史右丞  
左右丞  
諸行侍郎  
左右庶子  
五大都督  
五府長史  
中 都 護  
太 副 都 護  
宗 正 少 卿  
祿 書 衛 尉 卿  
光 祿 衛 尉 卿  
太 僕 大 理 鴻 臚 卿  
太 府 卿  
等 少 卿  
司 中 少 監  
殿 中 少 監  
將 作 少 監  
開 封 尹  
少 尹  
天 應 天 尹  
少 尹  
家 諭 令  
德 事 應

御 天 夫  
尚 書 丞 卿  
李 賓 客  
太 常 卿  
宗 正 卿  
祕 書 監  
光 祿 卿  
衛 尉 卿  
太 僕 卿  
大 鴻 臚 卿  
司 農 卿  
太 府 卿  
國 子 祭 酒  
殿 中 監  
將 作 監  
開 封 尹  
天 應 天 尹  
少 尹  
詹 事 尹  
三 監  
司 天 監  
五 府 尹  
國 公  
郡 王  
上 都 督  
中 都 督  
下 都 督

橫行日參知政事  
初至位與宰臣於  
此一行立候轉班  
北向即重行

乾隆十二年校刊

文獻通考卷三百八

三



常朝日  
宰相班位

殿

宰臣使相  
正衙位

四色官  
放班位

射僕左右  
師少太子  
傳少太子  
保少太子  
牧京三  
督都大  
護都大

尉師  
傅保  
徒保  
師太  
傅太  
保太  
李

宣麻位

正衙位  
正衙位

右巡使

鐘樓

諸衛上將軍 諸衛將軍 諸衛副將軍  
諸衛中將軍 諸衛副將軍 諸衛副將軍  
大軍統軍 諸衛大將軍 諸衛副將軍 諸衛副將軍

文獻通考卷第一百八

乾隆十二年校刊

文獻通考卷第一百八

王禮三

三

文獻通考卷第一百九

鄱陽馬端臨貴與著

王禮考四

巡狩

唐虞天子五載一巡狩晏子對齊景公曰天子適諸侯

者牧也為天下循行守牧民也道徳太平恐遠近不同

又恐幽隱有不得所者故親行之行禮謹敬重人之至

也鄭元云諸侯為天子守土時一巡省所以必五年者

因天道時有所生歲有所成三歲一閏天道小備五歲

再閏天道羣后四朝孔安國曰各會朝於方嶽之下凡

大備也又歲二月東巡狩至於岱宗柴岱宗東嶽也特

乾隆十二年校刊

文獻通考卷一百九 王禮四

秩於山川張守節云乃望秩遙祭東方諸侯境內名山

肆覲東后遂見東方諸侯協時月正日同律度量衡時四時

二月也日三百六十日也律法制也度丈尺也量斗斛

也衡斤兩也鄭元曰協正四時之月數日名備其失悞

具節烝晦朔恐諸侯有不修五禮賓嘉禮五玉五等諸

同故因巡狩而合正之也也執之日瑞三帛二生一死贄

陳列之日玉五月巡狩至南嶽衡山八月巡狩至西嶽

也一死者雉也華山十一月巡狩至北嶽恒山皆如岱宗之禮白虎通

也八月晝夜分五月歸格於藝祖用特孔安國曰巡狩四

十一月月陰陽終也祖廟藝言文也言祖則考亦著特謂一牛也

夏后氏因之王肅云天子五年一巡狩鄭元云五年者虞夏之制也

太康尸位以逸豫滅厥德黎民咸貳乃盤游無度畋於

有洛之表十旬弗反有窮后羿因民弗忍距於河由此

失國

周制十二年一巡狩大行人云十有二歲王巡狩殷國

歲星是木王之星十二歲一周以木象之故梁崔靈恩

云取歲星一周天道之備數鄭元註尚書云每歸用特

者明每一嶽即歸也因明四嶽禮同使其天子將巡狩

文相次是以終巡狩之後乃始云歸耳

類乎上帝宜乎社造乎禰帝謂五精之帝所配祭南郊

名也按曾子問諸侯適天子告祖禰此不言祖者白虎

通曰七廟皆告之獨言禰者辭時先從禰後至祖以上

遂行不敢留尊職方氏先戒四方諸侯曰各修平乃守

考乃職事無敢不敬戒國有大刑乃猶汝也守謂國境

乾隆十二年校刊

王禮四

及王之所行先道帥其屬而巡戒令先道先由王所從道居前巡其前日

所戒太馭掌犯輶之禮謂祖道也土訓氏夾王車而行以待

王問九州形勢所謂以道地圖山川所宜所謂以詔地事誦訓氏亦夾

王車以上古久遠之事以告王誦訓所謂掌道方志以詔觀事若魯有大庭氏

之庫殺之又掌道方慝方慝四方言語所惡以詔辟忌以知地俗

辟音乘金輅建大旂中車云金輅鈎樊纓九就建大旂以賓歲二月東巡

狩至於岱宗柴而望祀山川燔柴告感生之天帝覲諸侯覲見其

方之諸侯先於境首待之祭義云天子巡狩諸侯待於境所過山川則

使祝宗先以三等璋瓚皆以黃金為鼻流酌鬱鬯以禮

神次乃校人殺黃駒以祭之玉人云大璋中璋九寸邊璋七寸射四寸厚寸黃金

勺青金外朱中鼻寸衡四寸有纁天子以巡狩宗祝以前馬鄭元云鼻勺流也衡謂勺徑也於大山川則用大

璋加文飾也於中山川用中璋殺文飾也於小山川用邊璋半文飾也又校人云凡將事於四海山川則飾黃

駒鄭元曰謂王巡狩過大山川也每宿舍掌舍設楛杙再重謂行馬再重者以周

衛有外內其外則土方氏又設蕃籬土方氏云王巡狩則樹王舍鄭元云

列桓音互既至方嶽先問百年就見之若未滿百年八十九

十者路經其門則見之不然則否祭義所謂東行西行弗敢過天子

乃令太師採人歌謠賦詩以樂播而陳之以觀人風俗

以審其善惡所謂命大師陳詩以觀人風也命典市納賈陳百物之貴

賤以觀人之所好惡所謂命市納賈以觀人之所好惡志淫好辟故鄭云淫則侈物貴人

之志若淫邪則所好者必不得其正者也又命典禮之官考校四時節烝月

乾隆十二年校刊

文獻通考卷百九 王禮四

三

之晦朔甲乙等日及候氣之律呂所用禮樂宮室車旗等制度君臣上下之衣服皆以王者所頒制度考校之

所謂命典禮考時月定日同律禮樂制度衣服正之註云同陰律也諸侯封內有名山大

川不舉而祭之者為不敬不敬者君削其地有祭宗廟

不順昭穆者為不孝不孝者君紕以爵不順為若逆昭穆者以宗廟可

以表官爵變禮易樂者為不從不從者君流流放也革制

度衣服者為畔畔者君討有功德於人者加地進律律

也其諸侯待王之牢禮以一犢掌客云王巡狩殷國則國君膳以牲犢又郊特

牲云天子適諸侯諸侯膳用犢既黜陟諸侯乃與之相

見於方嶽之下築壇與覲禮壇鄭元註司儀職引覲禮制一巡狩殷國而同則

其為宮亦如此歟是也其壇外為土埒方三百步開四門壇方九

十六尺高四尺上為堂下為三等謂之三成成每等高

一尺其堂置司盟之神位謂之方明覲禮云諸侯覲於天子為宮方三百

步開四門壇十有二尋深四尺加方明於其上鄭元云

宮為壇土為埒以象墻壁八尺曰尋十二尋則方九十

六尺也深謂高也從上向下曰深方明者上下四方神

明之象也會同而盟監之天之司盟有象者猶宗廟之

有主乎其方明狀具朝覲篇司儀職云其壇三成宮旁

一門鄭元云成猶重也三重者下差之為三等每面丈

二尺見諸侯之時據鄭註司儀及覲禮諸侯之上介各以其君之旗置於宮內以表立位之處乃詔三升壇訖諸侯皆就其旗而立其位鄭按明堂位諸公中階之前北面東上諸侯阼階之東西面北上諸伯西階之西東

面北上諸子門東北面西上諸男門西北面東上王乃於壇上揖之以定其位其揖之節有三儀與王無親者

推手小下之司儀所謂與王婚姻之親者平推手揖之

所謂時與王同姓者推手小舉之所謂天王既揖定其

位諸侯乃進升壇奠玉又按司儀職及鄭注云公於上

等奠桓圭玉陳擯者五人禮之侯伯於中等奠信圭躬

圭玉陳擯者四人禮之子男於下等奠穀璧蒲璧玉陳

擯者三人禮之諸侯各奠玉訖降拜又升成拜訖擯者

乃延諸侯升堂授王玉訖乃以璧琮行享禮謂之將幣

玉人云璧琮九寸諸侯既朝見王訖乃退而自相與盟王官之

伯臨之其神主於月必因以祭之觀禮云祭天燔柴祭山邱陵升祭川沉祭

地瘞鄭注云升沉必就祭者也其餘五月南巡狩

至於南嶽如東巡狩之禮八月西巡狩至於西嶽如南

巡狩之禮十有一月北巡狩至於北嶽如西巡狩之禮

巡狩之月皆用正歲之仲月者以王者考禮正刑當得其中春秋分晝夜均冬夏之至陰陽中蓋欲取中平之

義故唐虞以還皆巡狩訖却歸每廟用一牛以告至謂

之歸格於祖禰用特特一牛

昭王德衰南巡濟於漢船人惡之以膠船進王王御船

至中流膠液船解王及祭公俱沒於水而崩其右辛餘

靡長臂且多力游得王周人諱之

穆王得驥溫驪溫音盜或作駢駮耳之駟郭璞曰紀年比唐之君來  
見一驪馬是生駮耳八駮皆因其毛色以為名號索隱  
日按穆天子傳曰赤驥盜驪白義渠黃驂騶駟駟駟駟耳  
 山西巡狩樂而忘歸徐偃王作亂造父為穆王御長驅歸周以救亂

孟子昔者齊景公問於晏子曰吾欲觀於轉附朝舞

皆山名 遵海而南放於琅琊齊東境上邑 吾何修而可以比

於先王觀也言何修治而可以比先王之游觀 晏子對曰善哉問也

天子適諸侯曰巡狩巡狩者巡所守也諸侯朝於天

子曰述職述職者述所職也無非事者春省耕而補

不足秋省斂而助不給夏諺曰吾王不游吾何以休

吾王不豫吾何以助一游一豫為諸侯度今也不然

師行而糧食言人君與師行軍皆遠轉糧食而食之 飢者弗食勞者弗

息言在位者又明明側目相視更相譏慝民因化之而作慝 惡

方命虐民飲食若流方猶放也放棄不用先王之命但為虐民之政恣意飲食

若水流之無窮極謂涵沈於酒 流連荒亡為諸侯憂從流下而忘反

謂之流從流上而忘反謂之連從獸無厭謂之荒樂

酒無厭謂之亡先王無流連之樂荒亡之行惟君所

行也景公說大戒於國出舍於郊於是始興發補不

足戒備也大修戒備於國出舍於郊示憂民困始興惠政發倉廩以賑貧民 召太師曰為

我作君臣相悅之樂蓋徵招角招是也太師樂師徵招角招其所

作樂章名其詩曰畜君何尤畜君者好君也

秦始皇二十七年巡隴西今隴右北地今寧州出雞頭山在成

州上祿縣東過回中焉回中在安定高平賜爵一級治馳道應劭

曰馳道天子道也若今之中道然漢賈山傳曰秦為馳道於天下東窮燕齊南極吳楚江湖之上濱海之觀畢

至道廣五十步三丈而樹厚築其外隱以金椎樹以青松

二十八年始皇東行郡縣上鄒嶧山鄒魯縣山在其北立石與

魯諸儒生議刻石頌秦功德議封禪望祭山川之事乃

遂上泰山立石封祠祀下風雨暴至休於樹下因封其

樹為五大夫禪梁父刻所立石乃並渤海以東過黃腫

東萊有黃腫縣窮成山登之罘之罘山在腫縣成山在立罘文登縣北一百九十里

頌秦德焉而去南登琅琊今兗州東沂州密州即古瑯琊大樂之留三

月乃徙黔首三萬戶琅琊臺下復十二歲作琅琊臺立

石頌德遣徐市發童男女入海求仙人還過彭城齋戒

禱祠欲出周鼎泗水使千人没水求之不得乃西南渡

淮水之衡山南郡今荆州浮江至湘山祠黃陵廟在岳州湘陰縣北自

南郡由武關歸

二十九年始皇東遊至陽武博浪沙中河南陽武縣有博浪沙為

盜所驚求弗得令天下大索十日登之罘刻石之琅琊

道上黨入

三十一年始皇之碣石刻碣石門巡北邊從上郡入



三十七年始皇出遊行至雲夢望祀虞舜於九疑山在

永州唐興縣虞舜冢在九疑山浮江下觀藉柯渡海渚括地志云在舒州周安縣東

過丹陽至錢塘臨浙江水波惡乃西百二十里從狹中

渡在餘杭上會稽祭大禹望於南海而立石刻頌秦德還

過吳從江乘渡丹陽有江乘縣並海上北至琅琊自琅琊北至

榮成山在萊州至之罘並海西至平原津而病渡河西德州平原縣

崩於沙邱平臺沙邱去長安二千餘里趙有沙邱宮在鉅鹿趙武靈王死處

二世元年東行郡縣到碣石並海南至會稽盡刻始皇

所立刻石遂至遼東而還

漢高祖六年人告楚王信謀反上偽游雲夢會諸侯於

陳信迎謁因執之

時有上書告信反者上問諸將爭欲擊之陳平曰今

兵不如楚精而將不能及舉兵攻之是趣之戰也古

者天子有巡狩會諸侯陛下第出偽游雲夢會諸侯

於陳陳楚之西界信聞天子以好出游其勢必無事

而郊迎謁謁而陛下因禽之此特一力士之事耳上

從之

武帝元封元年帝親征匈奴行自雲陽北歷上郡西河

五原出長城北登單于臺至朔方臨北河還祠黃帝於

橋山迺歸甘泉是年復冬巡海上還登封泰山至於梁

父禪肅然

山名在梁父

行所巡至博奉高蛇邱歷城梁父民田租逋賦貸已除加年七十以上孤寡帛人二疋四縣無出今年算行自泰山復東巡海上至碣石自遼西歷北邊九原歸於甘泉周萬八千里云

王莽天鳳元年欲行巡狩之禮令大官齎糒乾肉內者行張坐卧所過毋得有所給羣臣奏一歲四巡道路萬里帝春秋尊非糒乾肉之所能堪乃止

後漢世祖建武十七年四月南巡狩皇太子及右翊公輔楚公英東海公陽濟南公廉東平公蒼從幸潁川進幸葉章陵五月還宮

漢祀令天子行有所之出河沈用白馬珪璧各一衣以繒緹五尺祠用脯二束酒六斗鹽一升涉渭灞涇洛他各水如此者沈珪璧各一律在所給祠具及行沈祠他水先驅投石少府給珪璧不滿百里者不沈十八年二月甲寅西巡狩幸長安三月壬午祠高廟遂有事於十一陵歷馮翊界進幸蒲坂祠后土夏四月甲戌車駕還宮

十九年九月南巡狩壬申幸南陽進幸汝南南頓縣舍置酒會賜吏人復南頓田租一歲父老前叩頭言皇考居此日久陛下識知寺舍每來輒加厚恩願賜復十年

帝曰天下重器常恐不任日復一日安敢遠期十歲乎  
吏人又言陛下實惜之何言謙也帝大笑復增一歲進  
幸淮陽二十年二月戊子車駕還宮

二十年十月東巡狩甲午幸東海楚沛國十二月壬寅  
車駕還宮

三十年二月東巡狩甲子進幸魯濟南閏月癸丑車駕  
還宮

中元元年正月丁卯東巡狩二月己卯幸魯進幸泰山  
北海王興齊王石朝於東嶽辛卯柴望岱宗登封泰山  
甲午禪於梁父四月癸酉車駕還宮

明帝永平二年十月甲子西巡狩幸長安祠高廟遂有  
事於十一陵歷覽館邑會郡縣吏勞賜作樂癸卯車駕  
還宮

十年閏月甲午南巡狩幸南陽祠章陵日北至又祠舊  
宅禮畢召校官弟子作雅樂奏鹿鳴帝自御塤箎和之  
以娛嘉賓還幸南頓勞享三老官屬十二月甲午車駕  
還宮

十五年二月庚子東巡狩辛丑幸偃師進幸彭城遂幸  
孔子宅祠仲尼及七十二弟子親御講堂命皇太子諸  
王說經又幸東平辛卯進幸大梁至定陶四月庚子車

駕還宮

章帝建初七年十月西巡狩幸長安丙辰祠高廟遂有事十一陵進幸槐里又幸長平御池陽宮東至高陵造舟於涇而還每所到幸輒會郡縣吏人勞賜作樂十一月詔勞賜河東守令掾以下十二月丁亥車駕還宮

元和元年七月丁酉南巡狩詔所經道上郡縣無得設儲峙命司空自將徒支柱橋梁有遣使奉迎探知起居二千石當坐其賜鰥寡孤獨不能自存者粟人五斛十一月己丑車駕還宮賜從者各有差

二年正月丙辰東巡狩幸泰山柴告岱宗進幸奉高宗

祀五帝於汶上明堂幸魯祠孔子於闕里四月乙卯車駕還宮

三年春正月丙申北巡狩濟南王康中山王焉西平王羨六安王恭樂成王黨淮陽王昞任城王尚沛王定皆從辛丑帝耕於懷二月壬寅告常山魏郡清河鉅鹿平原東平郡太守相曰朕惟巡狩之制以宣聲教考同遐邇解釋怨結也今四國無政不用其良

四方之國無政者由天子不用

善人者也駕言出游欲親知其劇易前祠園陵遂望祀華霍

華霍山名也今在廬江灑縣西南亦名天柱山爾雅曰華山為西嶽霍山為南嶽東柴岱宗為

人祈福今將禮常山遂祖北土歷魏郡經平原升踐隄

防詢訪耆老咸曰往者汴門未作深者成淵淺則泥塗

追惟先帝勤人之德謂永平十二年修汴渠底績遠圖復禹弘業

聖跡滂流至於海表不克堂構朕甚慚焉月令孟春善

相邱陵土地所宜今肥田尚多未有墾闢其悉以賦貧

民給與糧種務盡地力勿令游手所過縣邑聽半入今

年田租以勸農民之勞乙丑勅侍御史司空日方春所

過無得有所伐殺車可以引避引避之駢馬可輟解輟

解之夾轅者為服馬詩云敦彼行葦牛羊勿踐履詩大雅云

鄭元註曰敦敦然道旁之葦牧牛禮人君伐一草木不

羊者無使踐履折傷之况於人乎禮人君伐一草木不

時謂之不孝禮記孔子曰伐一樹殺一獸不以其時非孝也俗知順人莫知順

天其明稱朕意戊辰進幸中山遣使者祠北嶽出長城

史記蒙恬為秦築長城西自臨洮東至海癸酉還幸元氏祠光武顯宗於縣

舍正堂明日又祠顯宗於始生堂皆奏樂明帝生於常山元氏傳舍

也三月丙子詔高邑令祠光武於卽位壇復元氏七年

徭己卯進幸趙庚辰祠房山於靈壽靈壽縣名屬常山郡今恒州縣房山

今在恒州房山縣縣西北俗名王母山上有王母之祠辛卯車駕還宮賜從行者

各有差

章和元年八月癸西南巡狩戊子幸梁乙未幸沛庚子

幸彭城辛亥幸壽春十月丙子車駕還宮

和帝永和十五年九月壬午南巡狩賜所過二千石長

乾隆十二年校刊

吏以下三老官屬及民高年者錢布各有差幸章陵祠  
舊宅十一月車駕還宮

安帝延光三年二月丙子東巡狩辛卯幸泰山柴告岱  
宗祀五帝於汶上明堂幸東平東郡歷魏郡河內壬戌  
車駕還京師

魏明帝凡三東巡狩所過存問高年恤疾苦或賜穀帛  
晉初新禮巡狩方嶽柴望告設壇宮如禮諸侯之覲者  
賓及執贄皆如朝儀而不建旗摯虞以覲禮諸侯各楚  
其旗章所以殊爵命示等威詩稱君子至止言觀其旂  
宜定新禮建旗如舊詔可然終晉代不行其禮

宋文帝元嘉四年二月東巡狩至於丹徒告覲園陵三  
月享會父老舊勲於行宮加賜衣裳幣帛蠲租原刑戰  
亡之家單孤並隨宜隱卹

二十六年二月東巡幸至京城并謁二陵會舊京故老  
萬人享勞賚發赦蠲徭役

後魏文成帝和平元年正月東巡狩歷橋山祀黃帝遼  
西遙祀醫無閭山遂緣海幸冀州北至中山過恒嶽禮  
其神而反明年南巡過石門遣使者用玉璧牲牢禮衡  
嶽

隋煬帝大業元年三月詔曰聽採輿頌謀及庶民故能

審刑政之得失今將巡歷淮海觀省風俗

是歲命尚書右丞皇甫議發河南淮北諸郡民前後百餘萬開通濟渠自西苑引穀洛水達於河復自板渚引河歷滎澤入汴又自大梁之東引汴入泗達於淮又發淮南民十餘萬開邗溝自山陽至楊子入江渠廣四十步渠旁皆築御道樹以柳自長安至江都置離宮四十餘所又遣黃門侍郎王弘等往江南造龍舟及雜船數萬艘督役嚴急役丁死者什四五八月壬寅帝行幸江都發顯仁宮王弘遣龍舟奉迎上御小朱航自漕渠出洛口御龍舟龍舟四重高四十五

尺長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而裝飾無異別有浮景九艘三重皆水殿也又有漾彩朱鳥蒼螭白虎元武飛羽青鳧凌波五樓道場元壇樓船板艫黃篋等數千艘後宮諸王公主百官僧尼道士蕃客乘之及載內外百司供奉之物共用挽船士八萬餘人其挽漾彩以上者九千餘人謂之殿脚皆以錦綵爲袍又有平乘青龍艫艫舳舻八擢艇舸等數千艘並十二衛兵乘之并載兵器帳幙兵士自引不給夫艫艫相接二百餘里照耀川陸騎兵翊兩岸而行旌

旗蔽野所過州縣百里內皆令獻食多者一州至百輦極水陸珍奇後宮厭飫將發之際多棄埋之

二年三月庚午上發江都四月庚戌自伊闕陳法駕備千乘萬騎入東京御端門大赦

三年三月帝還長安四月庚辰下詔欲安輯河北巡省趙魏丙寅車駕北巡六月至鴈門頓榆林郡諭突厥啓民可汗召所部諸國朝於行宮八月發榆林歷雲中沂金河九月己巳至東都

時天下承平百物豐實甲士五十餘萬馬十萬匹旌旂輜重千里不絕令宇文愷造觀風行殿上容侍衛

者數百人離合爲之下施輪軸倏忽推移又作行城周二千步以板爲幹衣之以布飾以丹青樓櫓悉備胡人驚以爲神

四年三月車駕幸五原因出塞巡長城八月親祭恒嶽河北道郡守畢至

行宮設六合板城載以槍車每頓舍則外其轆以爲外圍內布鐵菱次施弩床床皆插鋼錐外向上施旋機弩以繩連機人來觸繩則弩機旋轉所處而發其外又以矰周圍施鈴柱

五年三月西巡河右出臨津關度黃河五月至張掖命



裴矩說高昌王及伊吾吐屯等啗以厚利召使入朝帝至燕支山高昌王及西城二十七國謁於道左皆令佩金玉被錦罽焚香奏樂歌舞喧譁帝復令武威張掖士女盛服縱觀衣服車馬不鮮者郡縣督課之騎乘填咽周亘數十里以示中國之盛七月車駕東還至西京十一月復幸東京

自河西東還行經大斗拔谷山路隘險魚貫而出風雪晦冥文武飢餒沾濕夜久不逮前營士卒凍死者大半馬驢什八九後宮妃主或狼狽相失與軍士雜宿山間

六年三月帝幸江都宮詔以百官從駕皆服袴褶於軍旅間不便令從駕涉遠者文武官皆戎衣五品以上通著紫袍六品以下要用緋綠胥吏以青庶人以白屠商以皂士卒以黃

敕穿江南河自京口至餘杭八百餘里廣十餘丈使可通龍舟并置驛宮草頓欲東巡會稽

七年二月帝自江都幸涿郡御龍舟渡河入永濟渠仍敕選部門下內史御史四司之官於前船選補其受選者三千餘人或徒步隨船不得處分凍餒疲頓因而致死者十二三是歲征高麗車駕駐涿郡

八年車駕在涿郡征高麗不克九月還東都

九年四月車駕度遼征高麗楊元感反乃班師

十年三月復幸涿郡征高麗八月班師十月還京十二

月幸東都

十一年三月帝幸太原汾陽宮避暑宮城迫隘百官士

卒布散山谷間結草為營而居之八月巡北塞入鴈門

突厥可汗帥騎數十萬圍鴈門九月解圍去車駕還太

原十月至東都

十二年七月帝自東都幸江都

通典曰梁崔靈恩云唐虞五載巡狩一嶽二十年

方遍四嶽周則四十八年矣若一出四嶽皆遍且

闕四時祭享唐虞衡山為南嶽周氏霍山為南嶽

其制吉行五十里若以二月到東嶽五月到南嶽

八月到西嶽十一月到北嶽路程遼遠固必不能

以此知每至一嶽即歸義為長也按尚書周官篇

云六年五服一朝又六年王乃時巡考制度諸侯

各朝於方嶽大明黜陟孔安國註云周制十二年

北故曰時巡考制度正禮法如虞帝然其四方

諸侯各覲於方嶽之下大明考績黜陟幽明又

按堯舜簡儉常稱茆茨土階巡狩四方羽儀導從  
必少一年四嶽五載復往宗廟享祭暫委有司展

義省方觀風察俗之大政如或二十年方遍乃於民物不亦垂跡詳周官本文與孔氏註解旣改制十有二載比唐虞已甚遐闊如四十八年乃遍豈非益爲曠邈乎且周雖尚文天子諸侯降殺以兩穆王巡歷天下萬姓不甚苦勞始皇遊幸四方屬車八十一乘二漢以降至於有隋或東封告成或觀省風俗百辟悉至羣司畢從不下十餘萬人何止千乘萬騎所以曠代多闕斯禮崔生謂堯舜及周帝王行幸車徒禮數與秦漢以後無異斯不達古今豐約之別復不詳周官之文輒肆臆度說耳

按舜典王制明言二月東巡五月南巡八月西巡十二月北巡而崔靈恩乃以爲一年巡一嶽虞五載則二十年而遍周十二載則四十八年而遍何所據邪文中子言舜一歲而巡五嶽國不費而民不勞何也兵衛少而徵求寡也古帝王之巡狩所以省方觀民初非游適然舜之時五載僅能一行至周成王則又不能如舜至於十二年乃一行之又必止以四嶽爲底止之地蓋雖一本於憂民之心而尚恐有煩民之事故出必有期而行必有方如此至穆王始欲肆其心周行天下必使有車轍

馬跡而幾以喪邦秦始皇隋煬帝假望秩省方之說以濟其流連荒亡之舉千乘萬騎無歲不出遐方下國無地不到至於民怨盜起覆祚殞身曾不旋踵雖秦隋所以召亡者固非一端然倘非游蕩無度則河決魚爛之勢亦未應如是其促也

唐太宗貞觀元年三月幸九成宮

去京三百里

冬幸洛陽

七年幸九成宮

十一年二月幸洛陽

十二年二月還京 十二月幸河北觀底柱因令勒石於上以陳盛德

高宗顯慶二年閏正月幸洛陽

麟德二年幸東都遂幸東嶽

總章二年將幸涼州羣臣諫不果行

調露元年九月幸并州

元宗開元五年正月幸東都

十一年正月發東都北巡至并州

十二年十一月幸東都至華州命勒石華嶽祠南道衢

十三年十月發東都赴東岱

二十年十月自東都幸太原

二十四年十月勅兩京行幸緣頓所須應出百姓者宜

令每頓取官錢一百千文作本取利充仍令所由長官專勾當不得抑配百姓

### 唐開元禮

#### 皇帝巡狩儀

##### 鑾駕出宮

將巡狩所司承制先頒告於東方諸州曰皇帝二月東巡狩各修平乃守考乃職事無敢不敬戒國有大刑駕將發告園丘宗廟社稷皆如別儀皇帝出宮大備鹵簿皆如常儀輒於國門祭所過山川如親征之禮所經州縣刺史縣令先待於境通事舍人承制問百年古先帝

#### 王名臣烈士皆州縣致祭

##### 燔柴告至

將告將作先於泰山下修園壇四出陛

若舊有封禪祀天壇即不須別

築前告三日尚舍直長施大次於外壝東門之內

其設文武

侍臣次陳饌位

設宮懸樂燎壇之制

一如園丘之儀

前一日皇帝清齋

於行宮應告之官皆於告所清齋一日近侍之官應後升者及從告羣官諸方客使皆於其所俱清齋一宿諸衛令其屬晡後一刻各以其方器服守衛壝門盥太樂工人俱清齋一宿奉禮設御位於壇之東南西向設告官司徒執事者御史奉禮贊者協律郎太樂令望燎位

東方諸州刺史縣令介公鄜公文武九品以上官西方  
 北方蕃客等位並如上幸園丘儀其褒聖侯等亦如之設告官以  
 下門外位於東西墻門之外道南皆如設次之式郊社  
 令帥府史一人及齋郎以罇坩罍洗篚幕入設於位並  
 如常儀執罇罍篚幕者各位於罇罍篚幕之後告日未  
 明十五刻太官令帥宰人烹牲於厨蒼牲一駢牲一未明四刻  
 太史令郊社令各服其服升設昊天上帝神座於壇上  
 北方南向席以藁秸設高祖神堯皇帝神座於東方西  
 向席以莞設神位各於座首未明三刻諸告官以下各  
 服其服郊社令良醞令各帥其屬入實罇罍及玉天帝大罇

二配帝著罇二俱實以汎齊其明水各實於上罇玉以蒼碧幣二丈八尺太祝以玉帛置於

筐太官令帥進饌者實諸籩豆簠簋等皆設於饌幔內  
 未明二刻奉禮帥贊者先入就位贊引御史太祝以  
 下入行掃除如常儀訖各就位皇帝服袞冕乘輅行宮  
 奏請進發內外器服如常儀駕將至謁者贊引各引告  
 官通事舍人引從告羣官東方刺史縣令諸方客使俱  
 就門外位駕至大次門外迴輅南向其降輅之大次謁者引告官及從告  
 羣官入就位皇帝奠初皇帝既升奠玉幣太官令帥進  
 玉帛等儀並如圓丘其奉饌奏樂之儀並如圓丘天帝之饌者饌升自南陛配帝之饌升自東陛諸太祝迎引  
 於壇上各設於神座前設訖謁者引司徒以下降自東

陛復位諸太祝各還罇所太常卿引皇帝詣盥洗樂止

其盥洗酌獻奏樂讀祝之儀 並如園丘其祝文臨時撰 訖與皇帝再拜初讀祝文

訖樂作太祝進奠版於神座還罇所其酌獻配帝奏樂

丘 皇帝拜訖樂止太常卿引皇帝進天帝神座前北向

立樂作太祝各以爵酌福酒其飲福受昨奏樂皇帝 謁

者引司徒降復位太祝各進徹豆還罇所奉禮曰賜胙

其衆官受胙皇帝望燎及太祝燎牲體玉幣

皇帝既還大次侍中版奏請解嚴將士不得 皇帝改服

透天冠絳紗袍乘輅奏請還官如常儀

輒離部伍

### 望秩於山川

柴之明日望秩祀於嶽鎮海瀆山川林澤邱陵墳衍原

隰將祭所司先為壇於祭所其神皆以尊卑為叙重行

南向前三日守宮設祭官以下次於東壝之外道南北

向以西為上設陳饌幔於內壝東門之外道北南向前

二日太樂令設宮懸之樂於壇南設登歌於壇上皆如

常儀右校掃除壇內外又為瘞培於壇北之壬地外壝

之內方深取足容物前一日諸祭官清齋於祭所諸衛

令其屬晡後一刻各以其方器服守衛壝門與太樂工

人俱清齋一宿奉禮設祭官位於內壝東門之內道北

執事位於道南俱西向北上設御史位於壇下一位於  
 東南西向一位於西南東向令史各陪其後設奉禮位  
 於樂懸東北贊者二人在南差退俱西向協律郎位於  
 壇上在西陛之西東向設太樂令位於北懸之間設望  
 壘位於瘞罔之東西向設祭官以下門外位於外壝東  
 門之外道南每等異位北向西上設酒罇之位嶽鎮海  
 瀆各山壘二山川林澤俱屬罇二邱陵墳衍原隰俱散  
 罇二各於壇上南陛之東北向西上其嶽靈上加山壘  
 二壘置於山罇東  
 北向皆加白幕設玉筐於罇坵之所設洗於壇南陛東南如常  
 執罇壘筐幕各位於罇壘筐幕之後郊社令帥齋郎以

罇坵壘洗筐幕入設於位祭日未明十五刻太官令帥  
 宰人以鸞刀割牲齋郎以豆取牲血置於饌所遂烹牲  
 未明二刻太史令郊社令各服其服入設神座各於壇  
 上北方南向席皆以莞設神位各於座首未明一刻祭  
 官以下各服其服郊社令良醞令入實罇壘及玉山壘  
 實以  
醞齊蜃罇實以汎齊散罇及山壘皆實以清酒齊加  
 明水酒加元酒各實於上罇祭神之玉以兩珪有邸太  
 祝以幣置於筐太官令帥進饌者實諸邊豆簋簠等奉  
 禮帥贊者先入就位贊引引御史太祝與執罇壘筐幕  
 者入自東門當壇南重行北向西上立定奉禮曰再拜  
 贊者承傳御史以下皆再拜訖執罇壘筐幕者各就位



贊引引御史詣壇東陞升行掃除於上令史祝史行掃  
除於下訖引就位質明謁者引獻官贊引引執事者俱  
就東門外位太樂令帥工人次入就位謁者贊引各引  
獻官以下入就位立定奉禮曰再拜在位者皆再拜謁  
者進獻官之左白有司謹具請行事退復位協律郎跪  
俛伏舉麾鼓祝奏順和之樂以蕤賓之均自後壇下之樂皆奏姑洗  
樂三成偃麾戛敔樂止奉禮曰再拜獻官以下皆再拜  
太祝取玉於篚立於罇所謁者引獻官詣嶽壇升自南  
陞北向太祝以玉幣東向授獻官受登歌作肅和之樂  
以函鐘之均謁者引獻官進北面跪奠於嶽神之座俛

伏興謁者引退北面再拜訖登歌止謁者引獻官降自  
南陞還本位初獻官升奠玉幣太官令帥進饌者奉饌  
陳於東門外登歌止太官令引饌入俎初入門雍和之  
樂作饌至陞樂止饌升南陞太祝迎引於壇上設於神  
座前籩豆蓋幕徹之如式設訖太官令以下降自東陞以出太祝  
還罇所其鎮海以下之饌皆祝史迎於壇上設於神座  
前相次而畢訖謁者引獻官詣罍洗盥手洗爵訖謁者  
引升自南陞詣酒罇所執罇者舉罍獻官酌醴齊訖樂  
作謁者引詣嶽神座北向跪奠爵興謁者引獻官少退  
北向立樂止初獻官進奠爵祝史各以爵奠鎮海以下

還罇所太祝持版於神座之右東面跪讀祝文祝文臨時撰

訖興獻官再拜初讀祝文訖樂作太祝進奠版於神座

還罇所獻官拜訖樂止太祝酌鬯福酒進獻官之右西

面立獻官再拜受爵跪祭酒啐酒奠與太祝帥齋郎進

俎太祝減神前三牲胙肉皆取前脚第二骨加於俎西向授獻

官受以授齋郎獻官跪取爵遂飲卒爵太祝受爵覆於

坫獻官與再拜謁者引獻官降復位諸祝各徹豆如常

訖還罇所奉禮曰賜胙贊者唱再拜在位者皆再拜獻官

不順和之樂作奉禮又曰再拜獻官以下皆再拜樂一

成止謁者進獻官之左白請就望瘞位西向立於衆官

將拜請太祝外執篚進神座前跪取玉幣齋郎以俎載

毛血等各由其陞降壇詣瘞坫以物置於坫訖奉禮曰

瘞坫東西各四人寘土半坫謁者進獻官之左白禮畢

遂引出贊引引執事者以次出又贊引引御史太祝以

下俱復執事位奉禮曰再拜御史以下皆再拜訖出贊

引引工人以次出其祝版燔於齋所

### 肆覲東后

望秩之明日肆覲東后於告至之前刺史縣令皆先奉

見如常將作先於行宮之南為壇宮方三百步面一門

為壇於壇內三分壇二在南壇方九丈六尺高四尺四

出陛

南面兩陛餘三面各二陛

前二日太樂令設宮懸之樂於壇南

如殿庭之儀前一日尚舍鋪御座於壇上近北南向又設解劔席於南陛之西南守官於門外量設百官次文東武西以北爲上東方刺史縣令次於文官之南蕃客次於武官之南所司陳路於壇南如常典儀設羣官拜位文官一品以下九品以上位於壇東南每等異位重行西面以北爲上武官一品以下九品以上位於壇西南當文官每等異位重行東面以北爲上東方刺史縣令於壇南三分庭一在南每等異位重行北面以西爲上若有蕃客則位於刺史之西每國異位重行北面以

東爲上設典儀位於南陛之東贊者二人在南差退俱西面北上奉禮設門外位文官一品以下九品以上位於門東每等異位重行西面武官一品以下九品以上位於門西每等異位重行東面俱以北爲上設東方刺史縣令位於文官之南每等異位重行西面以北爲上蕃客位於武官之南每國異位重行東面以北爲上其日未明三刻諸衛各以其方器服量設牙旗於壇外四面未明一刻諸衛各勒所部列黃麾大仗屯門及鉞戟陳於壇內如殿庭之儀羣官及刺史以下集各就次服其朝服蕃客集次各服其服侍中版奏請中嚴近仗陳

於行宮門外諸侍衛之官各服其器服符寶郎奉寶俱詣行宮門外奉迎典儀帥贊者先入就位吏部兵部主客戶部及羣官客使俱出次通事舍人各引就門外位刺史縣令俱執贊通事舍人引就門外位贊各以其土布葛布之屬具五兩為一束而執之仍飾以黃帕其餘當土常貢之物並盛以篚其屬執之列於縣令位後通事舍人引文武一品以下九品以上先入就位侍中版奏外辦皇帝將出仗動太樂令令撞黃鍾之鐘左右五鐘皆應協律郎舉麾工鼓祝奏太和之樂皇帝服袞冕乘輿以出曲直華蓋警蹕侍衛如常儀皇帝入自北壇門由北陛升壇即御座

樂止腰輿退其羽儀華蓋仍侍於御側通事舍人引東方刺史以下入就位鴻臚引蕃客次入就位初刺史入壇門懸下舉麾舒和之樂作至位立定樂止典儀曰再拜贊者承傳執贊者俱跪奠贊典在位者皆再拜訖跪取贊典凡拜奠贊皆如之侍中前承制降詣刺史東北西面立稱有制蕃客則舍人承旨宣勅刺史以下皆再拜宣制訖又再拜戶部引諸州貢物兩行各入於刺史位前東西陳之龜為前列金次之丹漆絲纊四海九州美物重行量陳於後訖執物者各退立於東西廂文武前側立通事舍人引刺史為首者一人執贊詣解劍席跪解劍脫舄執贊

文獻通考卷百九  
三  
興舍人接引升壇詣御座前北面跪奏稱具官臣某姓名等敢獻壤奠遂奠贊俛伏興又舍人跪奉以東授所司舍人引刺史降詣解劔席跪佩劔納舄興通事舍人引復北面位初爲首者奠贊通事舍人引在庭者以次奠贊於位前訖各俛伏興引退復位訖刺史以下俱再拜戶部尚書進詣階間北面跪奏稱戶部尚書臣某言諸州貢物請付所司俛伏興侍中前承詔退稱制曰可尚書退復位所司受贊其執貢物各進執物所司引退俱出東門初刺史將朝中書侍郎以諸州鎮表方別爲一案俟於西門外給事中以祥瑞案俟於東門外俱令

史絳公服對舉案侍郎給事中俱就侍臣班初刺史將入門中書侍郎降引表案入詣西階下東面立給事中降引祥瑞案詣東階下西面立刺史將升奠中書令黃門侍郎侍郎俱降立於階下刺史執贊升陛中書令黃門侍郎各執所奏之文以次升初戶部尚書令退復位訖中書令前跪奏諸方表記黃門侍郎又進跪奏祥瑞各還侍位侍郎與給事中引案退司儀曰再拜贊者承傳文武羣官刺史以下及諸國客俱再拜訖通事舍人以次引北面位者出就門外位侍中前奏稱侍中臣某言禮畢俛伏興還侍位皇帝興太樂令令撞蕤賓之鐘左右

鐘皆應太和之樂作皇帝乘輿降自北陛警蹕侍衛如來儀入行宮樂止通事舍人引東西面位者以次出設會如元會之儀

### 考制度

朝覲之明日左右丞相以考制度事奏聞命太常卿採詩陳之以觀百姓之風俗命市納賈以觀百姓之所好惡命典禮者考時月定日同律觀禮樂制度衣服正之山川神祇有不舉者爲不敬宗廟有不順者爲不孝不孝不敬者則長官黜以爵革制度衣服者爲叛叛者長官有討有功德於百姓者加爵賞五月南巡狩至於南

嶽如東巡狩之禮八月西巡狩至於西嶽如南巡狩之禮十有一月北巡狩至於北嶽如西巡狩之禮歸格於宗禰用特如別禮若告封禪如別儀

宋太祖皇帝建隆初平潞楊二叛開寶二年至太原皆以師行供頓從儉約故不備巡幸之儀

九年幸西京先命重修宮室極其壯麗所過賜夏秋田租之半

太宗太平興國二年平太原五年次大名皆如太祖勞軍之制

真宗咸平二年幸大名景德元年駐澶淵勞軍之禮如

祖宗

四年正月幸西京朝諸侯命知雜御史王濟等籍所過父老及繫囚逋負官物人仍察民間疾苦每日引逋欠人及禁囚等對於行在多蠲免原釋父老賜茶帛綾袍其貢香藥名馬者召對撫慰賜之金帛

大中祥符元年三月詔許羣臣請封禪令泰山路葺行宮不得侵民戶田苗及人馬損踐苗稼有司言準禮巡狩有燔柴告至皇帝親行事卽不載有司攝事之文車駕至泰山合行告至望令太尉以酒脯幣帛於山下壇告至奏可又詔給事中張秉等管勾所經州縣父老詣

行在者送門引對賜以酒食州縣見禁囚具所犯以聞又詔以御史中丞王嗣宗攝御史大夫爲考制度使左正言知制誥周起攝中丞爲副使所經州縣採訪民間不便事并市物之價車服權衡度量不如法則者舉儀制禁之有奇才異行隱淪不仕者與所屬長吏詢求論薦鰥寡惇獨不能自存者重加賑恤官吏政迹尤異民受其惠及不守廉隅昧於政理者孝子順孫義夫節婦爲鄉里所稱者並條析以聞官吏知民間利病者亦爲錄奏有司言澶州城門卑下不容大輦請徹門而出上慮煩勞不許詔由城外而過他所皆然又詔扈從人宿

頓所無得壞民舍什物樹木違者重寘其罪爲朝覲壇於奉高宮之南方九丈六尺高九尺四出陛其南兩陛設衛仗宮懸於壇中書門下文武百官皇親諸軍將校四方朝貢使舉人蕃客父老僧道皆在列設襲文宣公位於文官三品之下鄰州長吏悉集上服袞御壽昌幄殿受朝賀大赦天下遂幸兗州賜從官待制以上宗室將軍辟寒九紫花茸綿紬窄袍三畢記祀汾陰悉如東封之制八月有司言祠宇之旁難行覲禮望俟至河中府朝覲經度制置使陳堯叟等言寶鼎行宮之前可以設壇詔如堯叟等言

七年幸亳州一如西京禮

舊制省方上與羣官皆窄絳袍帽還京具鑾駕儀仗預遣官與留司同排設禮官具儀以奏真宗朝陵及舉大禮塗中皆服折上巾窄袍出京過京城至禮所上服靴袍具鑾駕羣臣公服穿靴供奉官班及內朝官前導過州府上寬袍羣臣公服凡從官自親王中書樞密宣徽三司使副翰林學士待制節度兩使留後觀察防禦團練刺史並赴行宮全班起居中頓侍食百官就宿頓迎駕先發或道塗隘遠則放迎駕特進發近臣諸軍賜裝錢出京留司馬步諸軍夾道左



右至新城門外奉辭留守辭於門內百官父老辭於苑中州縣長吏留司官待於境所過賜巡警兵守津梁行郵治道卒時服錢屬父老綾袍茶帛中途賜衛士緡錢所幸寺觀賜釋道茶帛或加紫服師號凡經州關鎮及比州吏民有以饗餼酒果方物爲獻者計直答之州府綵樓陳音樂百戲洎道釋威儀奉迎者悉有賜與東京留守遣官奉表請還京凡數上優詔以答皇親諸道釋市民至近境貢物迎請留司官以次奉入京師大陳留司兵衛過還京綵樓駐蹕觀樂御乾元樓召從官坐閱扈駕兵仗還營許羣臣休暇

三日近臣一日

凡京城車駕出太祖太宗豫幸不常其數真宗嘗以正月謁啓聖院太宗神御殿望日謁玉清昭應宮會靈祥源觀又或六月至玉津園觀麥八月瑞聖園觀穀十月望日謁景靈宮因禮慶祈禱又詣太一宮并謁奉先院宣祖昭憲太后影殿普安殿元德太后真容自餘臨幸則親王公主第外苑馬監頗有定制親王宗室中書樞密宣徽使三司使副知開封府學士節度使至刺史常侍學士初皆候得旨咸平五年詔行幸卽從不須奏稟詣宮觀及游宴閣門仍奏知制誥待制統軍士上將軍特

召三品祕書監以上兩省御史知雜御史以上金吾將軍自咸平中每出令親從官卒二百執槌周繞輿駕謂之禁圍春夏緋衣秋冬以紫郊祀省方並增二百服錦襖出京師加以執劔親王中書樞密行圍內餘官圍外大禮備儀衛則有司先布土爲黃道自至祀所左右設香臺畫甕青繩欄干巡省在塗則不設東封歲殿中侍御史趙湘請詔羣臣不得行黃道上及閱習路馬不得穿過郊祀巡省東京舊城門並契勘其內城外宮廟門並勘箭出入皆然入蕃鎮外城子城門亦勘箭

高宗建炎元年九月詔據羣臣章疏請幸東西金賊狡詐難以便憑探報遠去中原專備一方可暫駐蹕淮甸庶四方有警皆易應接應合行事務令三省樞密院共同措置施行令來巡幸卽非遷都捍禦稍定卽還京闕以待二聖之復駐蹕之地不爲久計仰先次行下不得輒有陳修改易以致勞費十月車駕巡淮甸十四日次泗州二十七日至揚州駐蹕

三年二月三日詔宰執百官諸軍並扈衛車駕渡楊子江是日至鎮江府十三日至杭州三月一日詔移蹕江寧府三日命尚書右丞葉夢得專一提領戶部財用充

車駕巡幸頓遞使四月車駕進發自杭州幸江寧府五  
月至江寧府改爲建康府 閏八月詔巡幸浙西九月  
至平江府十月自平江幸浙東次越州十一月車駕至  
明州

詔只帶親兵輦官長入祇候共三千餘人隨駕百官  
並減一半其餘候見駐蹕去處起發前來

四年正月一日次台州章安鎮二月次温州三月車駕  
登舟回鑾幸浙西四月次越州

紹興元年十一月詔以紹興駐蹕日久漕運艱梗兵軍  
薪水不便可移蹕臨安府

二年正月車駕至臨安府駐蹕

閣門言以車駕省方儀令參酌修立儀註詔從之車

駕巡幸請還及期出城百里外奉迎

主當物務并臨  
監臨官免赴

京再於五里外起居次口入問聖體儀制車駕臨京

請城外奉迎

起居依  
閣門儀

內執政及兩省御史臺司并尚

書侍郎以上侍從官節度使俟迎駕訖分左右前導

入內一太常寺檢會因革禮太平興國五年太宗北

征回禮院狀鑾駕還京是日早留守文武百官並出

城奉迎再拜起居如常儀退中書門下兩省常侍以

下舍人以上御史中丞並引駕至昇龍門下馬分班

序立駕至中書門下橫行餘官不俱再拜三呼萬歲俟駕過其不引駕官先至丹鳳門外立班俟駕至橫行起居再拜隨拜三呼萬歲分班俟駕過退次日中書門下文武百官內殿起居如常儀一今來前項儀令故事比附參酌若依儀起居前導官前導緣今來車駕係乘御舟進發竊恐難以前導兼員數止有三兩員若依令除主當物務并監臨官不赴外餘官出城百里外奉迎其合赴官數目亦是不多兼俟迎駕班退合赴近城五里外起居其經由道路窄隘或至日值雨慮難以趑赴及百里外卽非程頓去處若行

創造待班幕次顯是勞費欲乞止依儀制應見任文武臣僚并寄居待闕京官小使臣以上出城五里外立班奉迎起居更合取自朝廷指揮一今擬定將來

奉迎車駕節次其日留守率應見任文武臣僚并寄居待闕京官小使臣以上並履笏內將校止窄衣執杖子詣餘杭門

五里外分立定俟御舟將至舍人揖躬喝拜兩拜起且躬留守奏聖躬萬福再喝拜兩拜訖各祇候御舟

過並退內留守先入門赴章亭驛御幄下側立定俟車駕降御舟入御幄坐管軍臣僚并合從駕祇應官欲乞免奏萬福留守

自赴幄殿下立定舍人揖躬宣名奏萬福喝祇候留

守升幄殿當頭問聖體訖兩拜如有宣諭訖詣御座

左側奏事如儀俟奏事畢降階退皇帝升輦還內如

馬臨時沿路官局並履笏迎駕起居應合從駕官并

管軍臣僚祇應官等並從駕還內如儀

四年十月車駕幸平江府

五年二月車駕回臨安

六年九月車駕幸平江府

先時詔將來進發三省樞密院百司以紹興四年隨  
從人數三分為率差發二分前去應軍旅非泛支降  
錢穀差除並隨行在所處分外其餘百司常程事務

並留臨安府依舊行遣聽行宮留守司與決內事有  
不決者即申奏行在所

七年二月車駕自平江進發次鎮江三月至建康府駐  
蹕

八年二月車駕自建康府進發至臨安府還宮

三十一年車駕自臨安進發視師次臨平鎮

三十二年正月車駕次建康府二月車駕自建康府回  
臨安

通鑑綱目卷一百九

文獻通考卷一百九

三

文獻通考卷第一百九



